

海東逸史

四明張氏約園開雕

序

明崇禎十七年乙酉三月京師陷五月福王立于南京
魯王徙封江廣暫住台州是月南都陷六月潞王監國
杭州旋出降閏六月張國維自杭州來朝魯王請監國
時孫嘉績熊汝霖錢肅樂沈宸荃并起兵先後奉表至
台七月王至紹興行監國事以明年爲監國元年十月
與清兵戰敗之十一月議分餉分防拜方國安爲大將
明年國安劫閩餉六月江上師潰馬士英阮大鍼先在
國安軍中至是欲劫王降清王幸脫去國安阮馬並降

海東遺史序

一四明叢書
約圖附本

國維諸臣死之鄭彩乃奉王如閩十一月次廈門鄭芝
龍既前降令彩執王彩不從奉王次長垣芝龍子成功
亦建義海上而不欲奉王改明年爲隆武三年實王監
國二年海上遂有二朔王在閩先後復三府一州二十
七縣三年皆陷僅有福安寧德明年春寧德福安相繼
陷六月張名振復健跳王次健跳十月移次舟山十二
月粵使至閩海遂用永曆年號監國于是名存實終六
年乙卯九月舟山陷妃嬪大臣多死之七年壬辰張名
振沈宸荃張煌言諸臣扈王至廈門成功以金門居王

節之姓氏而其著者亦足以參訂南雷結埼之書洵可
貴也嘗曰翁洲老民計非行遯故臣則亦山林枯槁有
心鄂灌者而惜乎其不可攷也理庵楊檢討以詞曹星
使告養家居方勤於鄉邦文獻尤重忠孝大節亟鈔得
副本屬王君子祥及其次公繩孫孝廉校正而刻之於
乎鱣波鯨島陰火終燼猿鶴蟲沙久淪物化而寫本孤
行不歸漸滅卒表章於累洽重熙之代自非大聖人量
包天地覆幬所存久矣死灰殘劫亡復留此蠹蝕餘編
寄千秋感愴矣闕逢涪灘閏月甲辰朔會稽孫德祖彥

清謹敘

序

洪惟我高宗純皇帝大公至正度越百王御批通鑑輯覽不削福藩位號於分注且備列唐桂二王本未附於後以爲千古興亡鑑至若魯王之延息海隅則并不得列於小朝廷數故載紀亦從其略然而南日孤舟結朱家殘局流離瑣尾猶之厓山一塊肉也其間忠臣義士東浙爲多有如張沈諸公始終抗節勢不能不行柴市之誅我二祖列宗未嘗不諒其忠於所事易名之典光昭汗青凡以立萬世臣極而寓教忠之至意也於是明

海東遺集

列傳卷之四
約圖刊本

越遺獻据所見聞橐筆殘山贖水間取錄東荒碧血者往往而有若黎洲黃氏謝山全氏先後撰述尤夥大抵碑傳之文而所見異詞所聞異詞所傳聞又異詞容亦有未審者也自余與於慈谿縣志之役之二年昭文鄒君文沅來攝縣事出其藏籍得海東逸史蓋前此所未見也爲書凡十有八卷首監國紀則正名而猶與以帝系也次家人傳傳監國諸妃用歐陽氏五代史例也次列傳次忠義次遺民史體具焉凡所敘述大都身親見之文尤雅馴其微者或不經見於他紀賴以存孤忠介

八年癸巳三月遂去監國號奉表滇中至是監國虛名亦不復存然監國諸臣仍奉王如故歷甲午實監國乙未

十三年丙申十三年王在金門丁酉年戊戌十三年己

十四年亥十四年三年王在南澳是年五月成功徙王澎湖島而

滇中使王復監國庚子十五年王在澎湖島成功克臺灣

王其地辛丑十六年王在澎湖島四月成功復居王金門

壬寅十七年王在金門五月成功卒海上諸臣議復奉王

監國十一月二十三日王薨而監國于是終魯監國終

始凡十有七載其大要略如此嗚乎廢興存亡之際雖

海東逸史

一四明叢書
約圖刊本

曰天命又豈不由人事哉紹興之不守以方國安之爲大將而可知分餉分防而義師渙閩餉劫而江上師潰

馬阮主其謀國安肆其橫劫王以降無待筮卜可前知

焉易曰開國承家小人勿用豈不信然哉迨于入閩奇

命延平腋下苟活而已豈足議遠謀然三府一州二十

七縣之恢復不亦盛與鄭彩驕恣又隳大業此希聲蒼

水諸公所爲痛心飲血者也癸巳而後益不足論然已

亥復號竟不果行意必延平使之吾讀延平戰國史來

人余培有餘痛焉延平世以忠賢歸之擬諸史公道鄰

豈其人哉不然己亥五月延平提師北指蒼水前驅入江克瓜洲鎮江大江南北降附者四府三州二十四縣幾薄金陵則亦可以有爲矣而延平竟以前鋒小挫倉皇出海遁走吾讀蒼水南征諸集有餘痛焉萃四方之忠義以力挽既頽之大勢殫心竭知僅可望濟而一二武夫不用命卒敗垂成之功易曰啞人凶武人爲于大君豈不以其所視者眇所履者危而務逞其剛暴之志氣哉魯監國十七年之事實至短暫也而其存亡勝敗之故昭昭可鑒若此記史者顧可略而不載乎福唐桂

諸王始末史既備錄魯監國獨不得比數此史家之隘漏也有海東逸史者專載記魯監國始末爲監國紀二卷家人傳一卷列傳十五卷都爲卷十八撰者翁洲老民不知何許人也余既獲慈谿楊氏刻本因重刊之以廣流傳而書次魯監國始末大要于簡端且識所慨痛男覽者考鑒焉民國二十一年六月張壽鏞序

海東逸史目錄

卷一

監國紀上

卷二

監國紀下

卷三

家人傳

烈妃某氏

元妃張氏

義妃周氏

貞妃陳氏

海東逸史 一目錄

氏

一四明叢書
約園刊本

卷四

列傳一

張國維 子世鳳

朱大典 子萬化 孫珏

莊元辰

王思任

卷五

列傳二

余煌

陳函輝

陳潛夫 妻孟氏 妾孟氏

朱繼祚

劉中藻 董世南

卷六

列傳三

錢肅樂 黃光遠

錢肅圖

錢肅範 僕張貴

錢肅遴 妻鮑氏

錢肅典

熊汝霖 子琦

孫嘉績 子延齡

沈宸荃

卷七

列傳四

海虞遺集目錄

一四明叢書
約畧刊本

王之仁

張鵬翼

弟繼榮
徐洪瑛

蔣若來

鄭遵謙

弟遵儉
妾金四姐

荆本微 子元相

卷八

列傳五

沈廷揚 子元泰
蔡耀

妾張氏
歟啟

沈始元

劉金城

蔡德
翁彪

朱斌
林樹

舉從義

陳邦定

黃銘丹 妻施氏

馮京第

徐子遠 妻姚氏
子度遠

陳士京

卷九

列傳六

王翊 蔣士銓 趙立言 立言子楨

王江 石必正 明知 沈調倫

卷十

列傳七

張肯堂 妾周氏 方氏 姜氏 畢氏 子婦 沈氏 女孫茂漪 林志燦 林桂

吳士俊 家人張俊 彭欽

蘇兆人 吳鍾巒 子福之

海東逸史 目錄

三四明叢書 約園刊本

李向中 子善毓 朱永祐

卷十一

列傳八

黃斌卿 王朝先

周鶴芝 林符舞 阮進 從子駿 陳彞之 趙牧

姚志卓 兄志元 方元章 張起芬

卷十二

列傳九

張名振 母李氏 庶母范氏 妻馬氏 兄名 甲 弟名揚 馬呈圖 馬貢圖 顯

民楫 梁隆吉 焦文 文妻張氏 楊復葵

卷十三

列傳十

張煌言 子萬祺 甘輝 羅子木 僕楊冠五

卷十四

忠義一

董志寧 妻羅氏 子士駟 士驤 僕文周

華夏 妻陸氏 王辰 張夢錫

王家勤 陸宇燦

海夏遺集目錄

四四明樓書

約園刊本

毛聚奎 屠獻辰 妻朱氏

楊文琦 妻沈氏 楊文琮

楊文瓚 妻張氏 玉如 楊文球

董德欽 倪懋熹

徐啟睿 趙毅

李桐 子文景 文昱 路國挺

李文纘 杜懋俊

杜兆祉 施邦炳

魏耕 李達 楊遷 汪涵

錢續曾

張廷綬 李唐應

章有功

章欽臣 妻金氏

戴爾惠

卷十五

忠義二

傅巖 子齡文 齡發

王之拭

林汝翥

林奎 葉子器

俞元良 兄元禮

周宗彝 妻卜氏 妾朱紫衣 弟

啟琦

湯芬

林媚

海東雜史 目錄

五四册 叢書 約園刊本

都廷諫

洪有文

鄔正畿

林逢經

王恩及 妻李氏

王祈

沈履祥

陳世亨

卷十六

忠義三

高岱 子朗

葉如楹 妻王氏

徐復儀

唐自綵 妾某氏 姓楷 豫

王玉藻 姚亦方

周元懋

周元初

倪懋楷

朱養時

董廣生

楊鼎臣

林瑛 妻陳氏

江用楫 妻某氏

董玄

張家璧

朱萬年

顧珍

李開國 母某氏

顧宗堯 母某氏

顧玠

江中汜

陳所學

顧行

翁健

海東逸史 目錄

六十四冊 續書 一約閱刊本

戴仲明

章有期

劉世勳

王朝相

劉朝

卷十七

忠義四

張樾

倪文徵

朱瑋

鄒欽光

鄒之琦

張君正

傅日炯 族父平公

趙景麟

趙天生

周西

張成義

趙甸

葉尙高

朱錫齡

婁文煥

林世英

陳瑞芝

母李氏

周容

朱金芝

紀五昌

趙自新

卷十八

遺民

海東遺民目錄

七四明叢書

約園刊本

于穎

林時對

李長祥

黃宗羲

黃宗炎

陳希友

熊曰繪

任延責

沈崇瑜

周齊曾

高宇泰

盧若騰

沈文光

朱憲宗

徐桐

馮元慶

董守諭

原闕今補

王正中

原闕今補

章正宸

原闕今補

朱之瑜

原闕今補

海夏邊史
目錄

八
西朝職書
荆園刊本

海東逸史卷一

翁洲老民撰

監國紀上

王諱以海太祖第十子荒王檀九世孫也父肅王壽鏞以崇禎九年襲封十二年薨子以派嗣十五年北兵破兗州自縊死十七年二月詔以王紹封三月京師陷王避兵南下五月福王立於南京命徙封江廣暫駐台州乙酉五月南京亡踰月潞王常汭監國於杭州不數日

出降按小腆紀年諸臣請監國不受明季南略云杭人擁戴之大兵至即開門率眾降○是刻考異均註

海東逸史卷一

一四朝叢書

首見處六月九日按紀年東陽兵起在諸義原任兵

部尚書右僉都御史張國維自杭州來朝請王監國會故九江僉事孫嘉績吏科給事中熊汝霖起兵餘姚刑部員外郎錢肅樂起兵寧波蘇松兵備僉事沈宸荃起兵慈谿並奉表至台而會稽諸生鄭遵謙亦起兵應之既而定海總兵王之仁翁洲參將黃斌卿石浦游擊張名振各以本鎮兵來會王遂赴紹興

七月十八日小腆紀年作閏六月十八日王至紹興行監國事以分

守公署爲行在祭告天地祖宗以明年爲監國元年立

元妃張氏上故皇太子號曰悼皇帝弘光帝曰報皇帝
潞王曰潞閔王

進張國維少傅兼太子太傅兵部尚書武英殿大學士
按小腆紀年時召直東閣尋加是銜以朱大典宋之普南鑑釋史為東閣

大學士國維督師江上大典鎮守金華之普司票擬

加孫嘉績熊汝霖錢肅樂沈宸荃皆督師右僉都御史
以鄭遵謙為中軍都督府左都督

以章正宸為吏部尚書原注後紹興陷棄家為僧南疆釋史云起為戶部左侍郎行吏
部事李白春釋史作占春為戶部尚書王思任為禮部尚書張

海東遺集卷二

二四朝載書

文郁為工部尚書陳兩輝為禮部右侍郎按小腆紀年時擢少詹事
歸尋遷是職陳潛夫為太僕寺少卿起原任右庶子余煌為

禮部右侍郎不至

封嚴州總兵方國安按小腆紀年國安浙人或云舊輔逢年子鎮東侯定海

總兵王之仁武寧侯南鑑釋史作武寧伯十一月進封侯羣臣皆奉表勸

進王曰孤之監國原非得已當俟展拜孝陵徐議樂推
未晚也

賜鄞縣舉人張煌言進士出身授翰林院編修小腆紀年作八

月事

以原任紹興知府于頴爲按察使行巡撫事

鑄大明通寶錢

小興紀年作十二月事

大學士宋之普謝政起舊輔方逢年爲東閣大學士

張國維連復富陽於潛

明季南略以復富陽爲七月事小興紀年以復於潛爲八月事

諸縣

命仁武伯姚志卓

小興紀年作倬

守分水

八月原任兵部尙書田仰從海道至拜東閣大學士

九月加按察使于頴右僉都御史督師

十月初二日北兵至方國安嚴陣以待張國維率隊接

海東通史卷一

二四明叢書
一約園刊本

應裨將王國斌趙天祥繼之連戰十日北兵敗去

以原任吏科都給事中林時對爲太常寺卿原任刑部

主事莊元辰爲吏科都給事中

十一月進方國安荆國公王之仁寧國公封鄭遵謙義

興伯尋進侯

議分餉分地

以編修張煌言爲兵科給事中

以太常寺卿林時對爲都察院右僉都御史吏科都給

事中莊元辰爲太常寺卿

加右僉都御史孫嘉績熊汝霖並兵部右侍郎

閩中遣給事中劉中藻頒詔至大學士張國維侍郎熊

汝霖等拒之

小腆紀年作十月事

王勞軍江上駐蹕西興築壇拜方國安爲大將命各營

皆守節制馬士英阮大鍼

按小腆紀年士英字瑞草貴陽人中萬曆丙辰會試又三

年成進士大鍼懷寧人萬曆丙辰進士 竄入方國安營請朝覲不許

十二月王回越城以降臣故太僕卿謝三賓爲禮部尙

書兼東閣大學士

頒監國魯元年大統曆職方主事黃宗羲所造也

海東通史

四四朝職書

約圖刊本

監國魯元年丙戌正月己酉朔王在紹興

遣原任天津參政柯夏卿

原注號遊庵黃巖人進士

太常少卿曹維

才使閩中

以原任右庶子余煌爲兵部尙書

加右僉都御史錢肅樂爲兵部右侍郎

二月叛將張國柱掠餘姚其部曲張邦寧掠慈谿

總兵陳梧敗於馮李自乍浦浮海至餘姚大掠職方主

事王正中方行縣事集民兵擊殺之

閩中遣僉都御史陸清源解餉十萬給浙東方國安纒

兵擷之拘清源不遣小腆紀年云字嗣白平湖人崇禎甲戌進士爲國安所殺諸臣錄云江防潰投明寺南略及紀年蓋馬阮所構也並以爲在錢塘江後戰

二月十九日毅宗大祥戶部主事原作郎中據第十八卷補傳正董守

諭請王哭臨三軍縞素一日從之

北兵決壩放船入錢塘江張國維嚴飭各營守汎王之

仁鄭遵謙率水師襲戰敗之小腆紀年作是月朔日事

平海將軍周鶴芝議乞師日本黃斌卿止之

四月王正中率師渡海鹽破澈浦城小腆紀年作三月事

海夏遠東 卷一

五 四明叢書 一 鈔圖刊本

五月兵部右侍郎錢肅樂棄軍之舟山

都督鄞縣志作總兵陳謙奉使至閩中爲御史錢邦芑所劾被

殺

加兵部右侍郎孫嘉績戶部尙書據第六卷本傳四字疑衍熊汝霖

兵部尙書並兼東閣大學士

尙寶寺卿朱大定太僕寺卿陳潛夫兵部主事黃宗羲

吳乃武查繼佐等會師渡海劄潭山南疆釋史作海壇山以江上

兵潰乃還

六月丙子朔江上兵潰方國安馬士英等欲劫王投降

遣人守之會守者病王得脫乃由江門出海令保定伯
毛有倫扈元妃世子自定海出海明季南略作五月二十
十八日事小腆紀年
作二十
七件事

大學士張國維兵部尙書余煌禮部右侍郎勝朝殉節
諸臣錄作

兵部左侍郎陳函輝通政使吳從魯小腆紀年云字金堂山
陰人萬曆丙辰進士官

通政司左參議大理原作太僕据第
五卷本傳正寺少卿陳潛夫翰林院編

修徐復儀紀年以爲唐
藩遇害後死江西道御史傅巖兵部主事高

岱葉如植紀年作汝菴
一作汝菴原任山西僉事鄭之尹諸生傅

日炯趙景麟等皆死之方逢年謝三賓宋之普方國安

海東遺史卷一

六十四明叢書
約圖刊本

及馬士英阮大鍼等並降

寧國公王之仁泛海至金陵死之北兵破金華大學士

朱大典闔門死之

富平將軍張名振棄石浦以舟師扈王出海投蕭虜伯

黃斌卿斌卿不納

永勝伯鄭彩至舟山奉王入閩

叛將張國柱攻舟山爲水營將阮進所敗劫元妃世子

去以上三節小腆紀
年並繫九月內

二十四日大學士孫嘉績卒

八月十一日建寧陷僉事倪懋熹死之

二十七日閩中陷唐藩出奔汀州爲北兵所殺按小腆

藩名聿鍵小字長壽太祖九世孫二十一日自延平出

奔二十四日大兵取延平及天興府追殺於汀州之府

堂時二十八日也

九月以兵科給事中張煌言爲右僉都御史按小腆紀

正月進是職

十月丁酉王發舟山

十一月丙寅王次廈門南疆繹史稱中左所亦名鷺門時鄭芝龍小腆

云字飛皇小字一官已降北令彩執王以降彩不從芝

福建南安縣石井人

七十四明叢書

續圖刊本

龍之子成功亦不肯隨父復建義海上而以廈門爲營
然亦不欲奉王改明年爲隆武三年於是鄭彩改次長
垣改明年爲監國二年海上遂有二朔

海東逸史卷二

翁洲老民撰

監國紀下

二年丁亥正月癸卯朔王在長垣

辛未王禡牙出師提督楊耿總兵鄭聯皆以兵來會進

鄭彩建國公封張名振定西侯楊耿同交伯鄭聯定遠

伯周瑞閩交伯周鶴芝平夷

小腆紀年作齊

伯阮進蕩胡

紀年作胡

伯阮駿英義伯

以原任雲南僉事林汝鸞爲兵部右侍郎

海東逸史卷二

二四明叢書約園刊本

周鶴芝復海口以參議

小腆紀年作參謀

林薈舞總兵趙牧守

之

進冊貴嬪陳氏

小腆紀年作張氏

爲元妃

二月壬申朔克海澄明日攻漳平

南疆釋史作漳州按漳平屬龍巖州此疑

諺 失利又明日北兵攻海澄南師退入於海

丙子克漳浦以閩人洪有文

南疆釋史云饒州人同安阮錫夕陽寮稿作有楨字

亮士嘉禾里人

爲令五日復陷有文死之

鄖西王常流

小腆紀年作常湖事在四月常流爲貴溪王明年二月永寧寨被死

復建寧

其裨將王祈

南疆釋史作祈

復邵武

三月兵部右侍郎林汝壽吏部員外郎林奎合兵攻福清不克死之小腆紀年作十月事

四月海口陷參議林籥舞總兵趙牧死之周鶴芝退保火燒壘

吳淞提督吳勝兆反正命定西侯張名振率舟師赴之以兵部小腆紀年作戶部右侍郎沈廷揚右僉都御史張煌言

給事中徐孚遠御史馮京第監其軍抵崇明舟覆名振等從間道脫歸廷揚被執死之

六月攻漳失利

海東遺史卷一

二四明叢書約圖刊本

王至瓊江錢肅樂來朝拜兵部尚書

以閩中原任太僕寺卿劉沂春為右副都御史原任廣

東糧道小腆紀年稱副使第十卷本傳同吳鍾巖為通政使按紀年以十月召用

並以錢肅樂薦也

七月王親征會鄭彩周瑞周鶴芝阮進之師攻福州敗

續

八月丙戌克連江按小腆紀年是日遣兵襲連江

以右僉都御史沈宸荃為兵部尚書按小腆紀年以十月進是職

以閩中原任温州巡撫劉中藻為兵部尚書武英殿按小

興紀年於是年正月授職兼東閣大學士

十月長樂永福閩清皆下羅源知縣朱丕承寧德汀縣

錢楷皆以城來降按小腆紀年九月遣兵復羅源又復連江於是長樂永福閩清諸城皆下

以閩中原任戶部侍郎林正亨爲戶部尙書僉都御史

余颺爲左都御史御史林嗣爲吏科給事中禮部主事

黃岳南疆釋史作吳小腆紀年作賓按俗書實作吳字典無此字爲吏部考功司郎

中

辛未鄧藩審理小腆紀年作鄧藩理係人名陳世亨以一旅復安固

按瑞安縣在晉時爲安固縣援兵不繼復陷被執大罵而死

海東遺史卷二

三四朝錄書約圖刊本

遣大學士劉中藻攻福寧州破之鎮將涂登華降

以兵科給事中孫廷齡爲兵部右侍郎大學士嘉績子

也

三年戊子正月丁酉朔王在閩安鎮

遣閩中原任東閣大學士朱繼祚與同安伯楊耿攻興

化克之

以兵科給事中勝朝殉節諸臣錄止稱給事中陳士京爲光祿寺卿奉

使粵中

癸丑鄭彩殺大學士熊汝霖義興侯鄭遵謙

兵科給事中陳希友熊曰繪疏參鄭彩逆惡大罪爲諸
臣所勸不果上

二月以兵部尙書錢肅樂兼東閣大學士

北帥郭三才南疆釋史
作天才來降封爲忠勤伯

三月興化陷吏科給事中林嵎與泉道湯芬死之莆田
陷大學士朱繼祚知縣都廷諫死之永福陷里居給事

中郎勝朝殉節諸
臣錄作鄔正畿御史林逢經死之長樂陷里居

御史王恩及小腆紀年
作王恩死之建寧陷守將王祈死之王

在閩中先後復三府一州二十七縣至是皆失僅留寧

海夏通史卷一

四四明叢書

約圖刊本

德福安二縣

六月初五日戊戌大學士錢肅樂以屢卒

十月以工部尙書沈宸荃右副都御史劉沂春兼東閣

大學士

四年己丑正月辛酉小腆紀年
作庚申朔王次沙埕

監察御史黃宗義自刻中至拜爲左僉都御史尋進左

副都御史

三月寧德陷

黃斌卿遣其弟孝卿偕僉都御史馮京第乞師日本不

得要領而還

四月福安陷大學士劉中藻及其部將董世南小腆紀年作世

上等並死之兵科給事中原作翰林院簡討据第六卷本傳正錢肅範被

執不屈見殺

六月定西侯張名振復健跳所

七月壬戌王次健跳所遣使者拜山寨諸營官爵授東

山寨李長祥四明寨王翊並都察院右僉都御史按小腆紀

年時授朔河南道御史十月來朝擢是職壬午北兵圍健跳蕩胡伯阮進追

敗之

海國遺史卷二

五十四明叢書約圖刊本

封平西將軍王朝先平西伯

以右僉都御史馮京第為兵部右侍郎

八月壬辰世子生

九月丁酉張名振阮進王朝先共殺黃斌卿

十月己巳小腆紀年作乙巳按曆法是月無己巳日王移躡舟山以參將府

為行在

大學士劉沂春還閩

以閩中原任戶工二部尚書張肯堂為東閣大學士吏

部右侍郎朱永祐為左侍郎按小腆紀年時進工部尚書仍兼吏部事第十卷本

傳同進戶部侍郎孫延齡爲戶部尙書以右僉都御史李長祥張煌言並爲兵部左侍郎

按紀年煌言爲右侍郎第十三卷本傳同

命兵部右侍郎馮京第左副都御史黃宗羲之師日本

不得要領而還

按小腆紀年是年十一月乞師日本以燈波將軍阮美爲使不著京第宗羲名

十二月粵中遣使封鄭成功爲延平王閩海始用永曆

年號

左副都御史黃宗羲以母老乞歸許之

五年庚寅正月乙卯朔王在舟山

三月右僉都御史四明寨王翊來朝拜兵部左侍郎

小腆

海東遺史卷二

六十四明叢書

一約圖刊本

紀年作右侍郎

第九卷本傳同

八月兵部左侍郎王翊帥師破新昌拔虎山進本部尙

書

小腆紀年止稱侍郎未嘗進尙書

九月鄭彩與鄭成功爭廈門爲成功所敗泊沙埕張名

振擊破其餘兵

按小腆紀年爭廈門在八月沙埕之破在周瑞周鶴芝分屯三盤後

以兵科給事中徐孚遠爲國子監祭酒

按小腆紀年於己丑十月擢左

僉都御史未嘗博是職

周瑞周鶴芝以樓船三百分屯温州之三盤爲舟山騎

角

十月辛巳朔日有食之

十一月北兵攻杜塞兵部右侍郎馮京第死之

小腆紀年作九年

事月

六年辛卯正月己卯朔王在舟山

二月

小腆紀年作閏二月

乙卯張名振殺王朝先并其軍

以太僕寺少卿曹從龍爲兵部右侍郎

七月北兵攻四明寨兵部尙書王翊死之

按小腆紀年是月被執入

月至定海死之第九卷本傳同

北兵會攻行朝定西侯張名振英義伯阮駿扈王發舟

海東通史卷二

七

四明叢書

山

八月辛酉北人試舟海口爲南師所敗獲其樓船誠十
一人而縱之

丙寅大霧北兵悉抵螺頭門守陣者方覺蕩胡伯阮進
邀擊大洋風反師燔進死之

九月丙子城陷元妃陳氏投井死貴嬪

小腆紀年稱宮娥

張氏

義陽王妃杜氏從之大學士張肯堂禮部尙書吳鍾巒

兵部尙書李向中工部尙書

原作吏部侍郎茲據第十卷本傳正

朱永祐

通政司參議

紀年稱通政使

鄭遵儉兵科給事中董志寧兵部

郎中朱養時戶部主事林瑛江用楫紀年瑛爲吏部禮部主事

董玄兵部主事李航海遺開國朱萬年顧珍工部主事

顧宗堯工部所正戴仲明禮部主事原作中書舍人勝朝殉節諸臣錄同

茲據第十卷本傳正蘇兆人安洋將軍劉世勳左都督張名揚錦

衣衛指揮王朝相內官監太監劉朝南疆繹史作潮定西侯參

謀顧明楫貢生婁文煥諸生林世英朱錫齡等並死之

北兵相謂曰吾兵南下所不易拔者江陰涇縣台舟山

而三耳

七年壬辰正月癸酉朔定西侯張名振大學士沈宸荃

海國遺事

八四朔藏卷一

兵部右侍郎張煌言屠王至廈門按小腆紀年是在是月丁酉後

延平王鄭成功朝見行四拜禮小腆紀年云以宗人府府正禮見費千

金緇緞百匹供應甚殷從臣亦皆有贈尋奉王居金門

七月大學士沈宸荃艤舟南日山遭風沒於海

八年癸巳正月戊辰朔王在金門

三月王自去監國號奉表滇中

九月定西侯張名振帥師北上以兵部右侍郎張煌言

爲監軍入長江趨丹陽掠丹徒左次崇明冬盡乃還

甲午年王在金門按小腆紀年以是年正月移居南澳

二月小腆紀年作正月定西侯張名振監軍張煌言帥師再入

長江掠瓜洲侵儀真抵燕子磯而還

乙未年王在金門

十一月航海遺聞作八月行朝錄臺灣外紀並作五月延平王鄭成功遣英義

伯阮駿總制陳雪之小腆紀年作陳六御帥帥圍舟山北將巴臣

興降紀年云原名臣功時授鐵騎鎮

二十九日定西侯張名振卒於軍

丙申年王在金門

八月二十六日北師復取舟山英義伯阮駿總制陳雪

海東遺集卷二

九十四册鼓書

約圖刊本

之並赴海死小腆紀年云陳六御自刎死北人以舟山不可守迫其

民過海溺死者無算遂空其地

丁酉年王在南澳

滇中遣使至加張煌言左侍郎小腆紀年作明年正月事

戊戌年王在南澳

二月張忠烈公神道碑作三月小腆紀年作七月延平王鄭成功會師浙海

以兵部左侍郎張煌言爲監軍北伐抵洋山按洋山當作羊山

怪風猝至義陽王溺死乃還

己亥年王在南澳

五月延平王鄭成功全師北指監軍張煌言以所部前驅入江抵瓜洲克其城成功南攻鎮江亦克之大江南北皆來降附其已下者四府三州二十四縣會前鋒敗成功倉猝移帳遂大潰乘流出海煌言亦從間道歸天台按小腆紀年煌言徇江南北下四府三州二十二縣會成功兵潰八月歸天台鄭成功遷王於澎湖島按小腆紀年在滇中命王監國後

六月王遣使祭光祿寺卿陳士京

滇中遣使齎手敕仍命王監國加張煌言本部尙書兼東閣大學士按小腆紀年在天台後

傳遺東

十四明

約圖刊本

庚子年王在澎湖島

鄭成功攻臺灣克之紅夷乞降以大船遷其國成功遂

王其地按小腆紀年在明年十二月

辛丑年王在澎湖島

四月鄭成功復奉王居金門

壬寅年王在金門

二月十三日滇中陷桂藩爲北將吳三桂小腆紀年云字長白高郵

人遼東中後所籍按紀年滇都以己亥正月陷桂藩由榔所殺以辛丑十二月被執至是年四月絞死於雲南

國
五月初八日延平王鄭成功卒海上諸臣議復奉王監

十一月二十三日王薨

海東逸史卷三

翁洲老民撰

家人傳

妃某氏王爲世子時所納崇禎十五年北兵破兗州兄魯王以派自縊死王被執詭稱魯王牧兒見北兵掠王邸皆忽流淚怪之旁有人曰此魯藩之弟也北兵刃之三擊不中駭曰汝有大福我不汝害前有一少女子甚麗知是汝妻犯之不從死於牆下汝其埋之王因得脫紹興監國諡曰烈妃

海東逸史卷三

四明叢書
約園刊本

元妃周氏濟寧人王以崇禎十七年二月襲封魯王妃入宮已年餘矣遂進元妃甫逾月而京師陷王避兵南下妃時臥病不起王強之妃泣曰王速行勿以妾故爲王累王不忍妃乃手碎盃盤勒喉而死紹興監國諡曰義妃按小腆紀年江上師潰王命扈宮眷出海張妃辭碎盃盤自到死宮嬪周氏出海後張國柱劫之亦自刎死魯紀年海上見聞紀並云張妃被劫中途碎盃盤自刎死元妃張氏蕭山人小腆紀年云會稽人乙酉七月王至紹興行監

國事立爲元妃父國俊得封伯爵內結閣臣客鳳儀李

國輔

按紀年國輔司禮監韓贊周養子也

外倚悍將方國安王之仁頗通

賄擅事諸臣相繼進諫王不聽侍郎錢肅樂特疏糾之
留中國俊遂引降臣謝三賓直東閣以擠肅樂肅樂遂
去明年六月江上師潰王由江門出海令保定伯毛有
倫扈宮眷自蛟關出期會於舟山適叛將張國柱來攻
爲水營將阮進所敗國柱僅以身免遂攜妃去不知所
終

元妃陳氏鄞縣人丙戌春入宮爲宮人

小腆紀年云次
會稽張妃下

張妃既爲亂兵所擄妃在副舟中急令舟人鼓棹特前
追兵不及伏荒島數日飄泊至舟山王已入閩榜徨無

海東遺事卷三

二四明叢書

約園刊本

所歸尙書張肯堂遣人護之得達長垣王見之流涕進
册爲元妃在海上三年生世子黃斌卿伏誅始復入舟
山先是張妃在會稽其父國俊頗豫事擅威福妃歎曰
是何國家是何勳戚而尙欲爾爾乎至是族親有至者
悉遣之辛卯北兵三道入海王以蛟關未能猝渡親帥
舟師搗吳淞以牽其勢蕩胡伯阮進居守敗死北兵直
抵城下安洋將軍劉世勳議分兵先送宮眷出海然後
背城一戰妃傳諭辭曰將軍意良厚然螭灘鯨背之間
懼爲奸人所竄則張妃之續也願得死此淨土乃止城

陷妃整冠服北向拜謝投井死貴嬪張氏及義陽王妃
杜氏從焉錦衣指揮王朝相內官監太監劉朝共昇巨
石填井平之卽自刎其旁而死至乙未年英義伯阮駿
再下舟山得妃死狀表言於王加諡貞妃

海東逸史卷四

翁洲老民撰

列傳一

張國維字玉筍號止庵

明季南略云字正庵號玉筍

東陽人天啟一

年進士授番禺知縣歷官至都察院右僉都御史應天

巡撫崇禎十七年三月以兵部尚書兼右僉都御史赴

江南浙江督練兵輸餉諸務出都十日而都城陷五月

福王立於南京召爲戎政尚書尋敘山東討賊功加太

子太保廕一子錦衣僉事吏部尚書徐石麒

小麒紀年云字寶摩

海東逸史卷四

一四朝叢書約圖刊本

嘉興人天啟壬戌進士乙酉嘉

去位眾議歸國維馬士

與破自經死國朝賜諡忠懿

紀年云捷丹陽人進士南都陷自縊死

國維乃乞省親

歸乙酉五月南都覆六月潞王監國於杭州不數日出

降國維乃以閏六月初魯王於台州請王監國即日移

駐紹興進國維少傅兼太子太傅兵部尚書武英殿大

學士賜尙方劔督師江上會嚴州總兵官方國安亦自

金華至馬士英素善國安匿其軍中請入朝國維劾其

十大罪乃不敢入連復富陽於潛諸縣時兵馬雲集人

治一軍不相統一部曲騷然國維上疏謂刻期會戰則

彼出此入我有休番之逸而攻堅擣虛人無應接之暇
此爲勝算必聯諸帥之心爲一心然後使人人之功罪
視爲一人之功罪於是樹木城緣江要害聯絡國安及
王之仁鄭遵謙熊汝霖孫嘉績錢肅樂諸營爲持久計
按紀年至是賜尙
方劍總統諸軍十月北兵至國安嚴陣以待國維率

王國斌趙天祥以步兵接應連戰十日前鋒鍾鼎新用

火攻首擊殺緋衣大將一諸將李

南疆釋史鮎琦
亭集並作呂

宗忠

等各斬數十級俞國榮等直抵張灣取其軍械而歸北
兵大敗是冬閩中遣給事中劉中藻頒詔至諸求富貴

海東邊史

卷四

二四明叢書
約園刊本

者爭欲應之王下令返台士民惶惶國維乃馳至紹上
疏唐王曰今日之事凡爲高皇帝子孫皆當同心并力
共復國讎成功之後入關者王監國退守藩服禮制昭
然若以倫序叔姪定分在今日原未假易且浙東人心
渙散鳩集爲勞一旦南拜正朔則江上諸將皆須聽命
猝然有變監國之號合不行脣亡齒寒悔莫可追臣老
矣豈敢朝秦暮楚有所左右於其間哉疏出議始定然
閩浙自是成水火矣明年五月諸軍乏餉師潰六月朔
日北兵至王走台州航海國維亦還守東陽及義烏破

眾勸國維入山圖後舉國維曰誤天下事者文山曩山也一死而已二十八日北兵至七里寺國維遂具衣冠南向再拜曰臣力竭矣賦詩三章按紀年載首章自述云艱難百戰戴吾君拒敵辭唐氣勵雲時去仍爲朱氏鬼精靈長傍孝陵墳女章念母云一蹶纖塵不挂胸惟哀盡母暮途窮仁人錫類能無意存歿銜恩結草同三章訓子云夙訓詩書誓跋鉞而今絕口莫談兵蒼蒼肯肯施存恤秉末全身各所赴圍池死年五十二國朝賜諡忠敏子世鳳官平敵將軍後以吳易南略云字日生號朔清吳江人崇禎丁丑進士紀年云癸未進士乙酉六月起兵長白蕩歷官至兵部尚書封長陵伯殉節死國朝賜諡節愍事連亦死難

朱大典字延之號未孩金華人家世貧賤大典始讀書

海東遺史卷四

三四明藏書

約園刊本

爲人豪邁舉萬曆四十四年進士歷官至兵部左侍郎

總督江北諸軍

小腆紀年云官僉都御史總督漕運兼巡撫盧鳳淮揚四都以許都事被逮會

國變止福王立起是職尋進尙書

以許都城姚孫孫棐激亂號白頭兵

紀年云東陽人諸生知縣桐

事有連逮治京師陷福王立有白其誣者乃以原官召

用踰月進尙書督上江諸務南都陷走杭州會潞王亦

降乃還鄉郡據城固守唐王聞就加東閣大學士督師

浙東魯王起事大典亦遣其孫珏上表勸進王既監國

以軍來赴授官亦如之命仍鎮金華會我朝遣招撫使

至大典烹之紹興既破次及金華大典率兵拒守月餘

不下城既陷闔門縱火自焚死

國朝賜諡烈愍

大典本與馬士

英阮大鍼善南都亡大鍼出走由太平趨浙東投大典

於金華大典方舉義留與共治軍士民不可檄逐之大

典乃送大鍼於方國安軍士英國安同鄉也先在其軍

中於是兩人掀髯抵掌日夕談兵國安甚喜及北兵至

士英大鍼國安皆降而大典獨殉節部將吳邦璿從死

子萬化巷戰被執亦不屈死孫珏少年能文有經濟才

亦死於浦城

莊元辰字起貞號頑庵鄞縣人崇禎十年進士授南京

海東逸史卷四

四四明叢書

太常博士甲申之變一日七至中樞史可法

國朝賜諡忠正

門促以勤王福王立議選科臣劉宗周

小腆紀年云字啟東號念臺山

陰人學者稱蕺山先生萬曆辛丑進士官左都御史杭州失守絕粒死國朝賜諡忠介

章正宸等並

首舉元辰馬士英惡之以中旨授刑部主事已見士英

日橫遂告歸乙酉閏六月錢肅樂等舉兵元辰破家輸

餉肅樂等西行推元辰任城守事魯王監國擢吏科都

給事中尋遷太常寺少卿進正卿仍兼吏科如故元辰

疏言陛下大讎未雪舉兵以來將士宣勞於外炎威寒

凍櫛風沐雨編氓殫藏於內敲骨吸髓重以昔年秋涖

平茲亢旱臥薪嘗膽之不遑而數月以來頗安逸樂釜
魚幕燕撫事增憂則晏安何可懷也敝在門庭朝不及
夕有深宮養優之心安得有前席借箸之事則蒙蔽何
可滋也天下安危託命將相今左右之人頗能內承色
笑則事權何可移也五等崇封有如探囊有爲昔時佐
命元臣所不能得者則恩賞何可濫也陛下試念兩都
之毀禾黍麥秀之悲則居處必不安試念孝陵長陵銅
駝荆棘之慘則對越必不安試念青宮二王之辱則撫
王子何以爲情試念江干將士列邦生民之慘則衣食

海東遺集

卷四

五

四明叢書

約園刊本

可以俱廢疏入優詔報聞又言中旨用人乃赧王之稅
政臣叨居科長斷不能隨聲奉詔上不能用而馬士英
又至元辰言士英不斬國事必不可爲遂三疏請歸
逾月而紹興破狂走諸山中朝夕野哭疽發於背而卒

原注元辰舉鄉試出汪偉門會試出
馬世奇門論者以爲鍊芥之合云

王思任字季重號遂東山陰人萬曆二十三年進士歷
知興平當塗青浦三縣袁州推官所至皆被鐫級稍遷
刑工二部主事出爲九江僉事罷歸乙酉五月南都陷
福王走蕪湖馬士英擁兵奉太妃入浙思任猶未知福

王被擒也乃上疏太妃請斬士英按小腆紀年忠疏
慎忠憤之心發於廉恥事至今日人人無恥在不在慎
矣主上寬仁有餘而剛斷不足士英公竊太阿肆無忌
憚竄上之微而育以中之上嗜飲則進醴醪上悅色則
獻淫妖上喜音則真優醜上好玩則奉古董巧卸強揚
之事於吏可法而又心忌其成功招集無賴賣官鬻爵
門下狐狗服錦橫行朝廷篤信之以至於斯也今事急
矣政事問出可以走乎兵部尚書可以逃乎不戰不守
而身擁重兵日稱護太后之駕則聖駕不當扈耶及今
猶可呼號泣召之際太后宜速趣上照臨出政斷絕酒
色臥薪嘗膽立斬士英之頭傳示各省以為誤國敗君
之戒仍下哀痛之詔以昭悔悟則人心士氣猶可復振
也復致書士英曰閣下文采風流才情義俠某素欽慕
即當國被眾疑之際援立今上以定時局以為古之郭
汾陽今之于少保也然而氣驕腹滿政本自由不講戰
守之事只知貪黷之謀酒色逢君門牆固黨以致人心
解體士氣不揚叛兵至則束手無策強敵來則先期已

海東逸史卷四

六十四明叢書

走致令乘輿播遷社稷邱墟閣下謀國至此即喙長三
尺亦何以自解莫若明水一盃自刎以謝天下則忠憤
氣節之士尙爾相諒無他若但求全首領亦當立解樞
機授之才能清正大臣以召英雄豪傑呼號揚厲猶可
冀望中興如或逍遙湖上潦倒烟霞仍賈似道之故轍
千古笑齒已經冷絕再不然如伯語渡江吾越乃報仇
雪恥之國非燕瑄納汚之區也某當先赴胥袴乞素車
白馬以拒閣下上干洪怒死不贖辜閣下以國法處之
則束身以候綆騎私法處之則引王既監國起拜禮部
尚書年七十餘矣明年六月紹興破跟踰避兵入雲門
山痛哭而卒紹年云城破不食死南疆釋史云
思任已病避至秦望山丙舍以死

海東逸史卷四

海東逸史卷五

翁洲老民撰

列傳二

余煌字武貞號公遜會稽人天啟五年進士第一歷官至右庶子乞假歸遂丁外艱服除久不起魯王監國起禮部右侍郎再起戶部尙書皆不就明年以武將橫甚拜煌兵部尙書始受命時內閣田仰與義興伯鄭遵謙爭餉兩軍格鬪喋血禁廷煌至叱之始去乃申嚴軍紀將士稍戢諸臣競營高爵請乞無厭煌上言今國勢愈

海東逸史卷五

一四朝叢書
約園刊本

危朝政愈紛尺土未復戰守無資諸臣請祭則當思先帝烝嘗未備請葬則當思先帝山陵未營請封則當思先帝宗廟未享請蔭則當思先帝子孫未保請諡則當思先帝光烈未昭時以爲名言江干師潰王航海遄眾有議據城抗守者煌以徒害民生不可遂大張碇示放兵民出走畢賦絕命詩一章按小腆紀年載其詞云穆羅以了吾事有碑駿自馳老駒忽逝止水汨文山不入柴市自沈渡東橋下舟人拯起之乃歎曰忠臣不易做也居二日復投深處乃死國朝賜諡忠節

陳函輝字木叔號寒山臨海人崇禎七年進士授靖江

知縣爲人不拘小節好交游日事詩酒爲御史左光先

紀年云光斗弟崇禎末劾罷京師陷慟哭刑牲誓眾倡

義紀年載其檄文云嗚呼故老有未經之變禾黍傷心

虹日相君素車馬錢塘怒激江濤嗚呼三月望後之報

此後盤古而蝕日月者也昔我太祖高皇帝手挽三辰

之軸一掃腥羶身鍾二曜之英雙聖誠諒歷年二百八

紀何人不沐皇恩傳世一十五朝寶海壽行統曆追我

皇上御宇十有七年於茲矣始政誅瑤獨獨靈靈作鼓

頻年禦敵威持宵旰爲衣九邊寒暑幾驚呼庚呼癸之

嗟萬姓號號時切已滿已飽之病雖舉朝肉食之多鄙

而一人辰極之未遷運至聖顯有何失序嗚呼即爾紛

然造逆之輩曠無累世休養之恩乃者欲逼神京九廟

不獲安其主腥流宮寢先帝不得正其終罪極海山賈

知已滿慘深天地哲豈共生嗚呼誰秉國成詎無封事

門戶膏肓河北賊置之不問藩籬破壞大將軍竟若罔

海東逸史卷五

約圖刊本

問開門納叛皆觀軍容使者之流賣主投降盡宏文館

學士之輩乞歸便云有恥徒死卽係忠臣此則劫運真

遺陽九百六之交而凡民並值柱折維烈之會矣安祿

山以番將代漢將帳中豬早抽刀李希烈自汴州奔蔡

州丸內鷓鴣先進毒鳳旣斬於京口剖屍之戮安逃景亦

契於舟中跛足之凶終盡無強不折有逆必誅又况漢

德猶存周曆未過赤眉銅馬適開光武之中興夷羿逢

衆難免少康之並戮臣子心存報主春秋義大復仇業

賴社稷之靈九人已推重耳誠慎漢賊之並六軍必出

祁山嗚呼遷跡金人亦下銅盤之源隨班舞馬猶嘶玉

陛之魂別吳鬢眉且叨簪紱身家非吾有總屬君恩寢

食豈能安務伸國恥握拳透爪氣吞一路鼓釐嚙齒穿

斷聲斷五更鼓角共灑申包胥之淚誓焚百里視之舟

所幸澤網張翼宋之旗協恭在位願如恂馬挾輿漢之

鉞磨厲以須二三子何患無君金陵咸淳正朔千百國

不期大會江左賴有夷吾莫非王上莫非王臣吾請敵

王所懷豈曰同袍豈曰同澤咸歌與子同仇恐神州赤

縣之心直窮巢穴抒孝子忠臣之憤懲厥渠魁班馬叶

乎北風旗常紀於南極以赤手而挾神鼎事在人爲即
白衣而效前籌君不我負一洗穢槍晦蝕日月重光再
開帶礪山河朝廷不小海內共
扶正氣神明鑒此血誠蓬蔽
會福王立不許草澤勤

王乃止尋起職方主事監軍江北南都陷歸與孫嘉績
熊汝霖錢肅樂等會師江干時魯王在台州西禪走謁
王曰國統再絕矣王亦高皇帝子孫也報讎繼統於是
乎在王盍圖之王謝曰國家禍亂相仍區區江南且不
能保尙何冀乎函輝曰不然浙東沃野千里南尙甌閩
北據三江環以大海士民忠義此句踐所以擒吳稱霸
也會兵部尙書張國維起兵東陽來迎王函輝乃侍王

海東逸史卷五

三四明
約恩刊本

至紹興王既監國擢爲禮部右侍郎進禮兵二部尙書
按小腆紀年止稱侍郎
未嘗進尙書監國紀同
明年六月紹興陷從王航海已

而相失哭入雲峯山作絕命詞數章
紀年云作六言絕
句十章其一云生

爲大明之人死作大明之鬼笑指白雲深處蕭然一無
所累其二云子房始終爲韓木叔始終爲魯赤松千古
成名黃蘗存心獨苦其三云父母恩無可報妻兒面不
能親落日樵夫河上應憐故國忠臣其四云臣年五十
有七回頭萬事已畢徒慚赤手擎天惟見白虹貫日其
五云去夏六月廿七今夏六月初八但嚴心內春秋莫
問人問花甲其六闕其七云手著遺文十卷尙傳副在
名山正學焚書亦出所尚心史難刪其八云慧業降生
人文此去不留隻字惟將子孝臣忠貽與世間同志其
九云敬發徐陵五願世作高僧法眷魂遊寰海名山身
列兜率內院其十云今日爲方正學前身是寒山子徒
死尙多抱慚請與同人證此又自作祭文及埋骨記皆

不可投水死勝朝殉節諸臣錄一云年五十七

陳潛夫字玄倩號退庵錢塘人南疆釋史云仁和人崇禎丙子同年錄云仁和人原籍山陰越殉義

錄云會稽人籍錢塘崇禎丙子舉人十六年授開封推

官抗疏言時事請召對不報聞京師陷縞素誓師邀擊

賊於柳園大破之福王立擢監軍御史巡按河南所規

畫皆盡善而馬士英不用先是有童氏者自言福王繼

妃廣昌伯劉良佐小腆紀年云字明輔大同左衛人具禮送之潛夫至

壽州見車馬馳從傳呼王后來亦稱臣朝謁及童氏入

都王以爲假冒下之獄遂責潛夫私謁妖婦逮下獄治

海東逸史卷五四四明叢書

之紹興府志云給事中林有本劾御史彭遇甄並及潛夫馬士英獨令議潛夫罪逮下獄治之未幾

南都不守得脫歸聞魯王監國紹興渡江往謁命復故

官加太僕寺少卿監江上軍乃自募得三百人與孫熊

諸家列營江上尋進大理寺少卿兼御史如故潛夫以

家財餉軍久之財竭支四百金於餉臣不得右副都錢

肅樂言潛夫破家爲國今聽其軍之餓死而不恤何以

鼓各營因爲潛夫請餉王是其言而方王終不發也丙

戌五月江上師潰王航海去潛夫作絕筆詩走至山陰

抵小楮村謂其妻孟氏曰勉之吾爲忠臣爾爲烈婦孟

氏曰此吾心也與其女弟櫛髮更服以待女弟者潛夫

妾也

紹興府志云孟桓初二女並妻潛夫同日合巹非妾也

潛夫乃整衣冠拜祖

父像已復拜其母別其弟攜妻妾至化龍橋投水死

紹興

府志云潛夫先推二妻入水爲其棺殮然後賦詩躍水死並欲拉二子同死以繼母不許免

年三十

七國朝賜

七國朝賜

朱繼祚字胤岡莆田人萬曆四十七年進士由庶吉士

歷官至南京禮部尙書

按小腆紀年崇禎初官禮部右侍郎

以人言罷去

福王時起故官未赴而南都陷唐王召爲東閣大學士

從至汀州王破擒繼祚奔還其鄉舉兵應魯王戊子正

海東逸史 卷五

五四明叢書

約園刊本

月與同安伯楊耿攻取興化城時北之分守道彭遇颯

紀年云崇禎癸未進士時爲監司守城

故弘光時御史也令其守將出戰

而已登裨樹大明旗幟於城守將不敢入遂克之三月

北兵至城復破繼祚被執羈之獄中賦絕命詞數章自

縊死

國朝賜諡忠節

將死自書祠堂對聯云臣罪當誅生奚補

死奚遲故國舊君安在帝臨有赫身可灰家可燼周頑

殷義若何

劉中藻字薦叔福安人崇禎十三年進士官行人賊陷

京師髮被擄掠賊敗南還唐王時官兵科給事中奉

命頒詔浙東爲張國維熊汝霖等所拒廢然而返至金華朱大典薦之召對稱旨擢右僉都御史巡撫金衢取苧獠菁獠諸種人練之爲卒時稱能軍閩中陷魯王召拜兵部尚書尋兼武英殿大學士中藻善撫循激勸富人使出財佐軍士卒並樂爲用其兵最盛鄭彩專主閩事心弗善也中藻亦不相下由此有隙王使大學士沈宸荃解之彩不聽丁亥十月中藻率兵攻取福寧州守之與周鶴芝相犄角久之移駐福安鄭彩遂掠其地北兵乘之來攻中藻善守所殺傷數千人己丑三月北兵

海東逸史 卷五

六四明叢書

新刊本

乃循城十里掘濠樹柵以困之

按小腆紀年福安自前年十月被圍至是年四

月城陷凡七閱月

中藻不能出戰食盡冠帶坐堂上爲文自祭

吞金屑而死

國朝賜諡烈愍

部將董世南等同死者數百人

紀年

載中藻子思沛諸生聞父死曰父死節子可不繼先志乎亦死

海東逸史卷六

翁洲老民撰

列傳三

錢肅樂字希聲一字虞孫號止亭鄞縣人臨江知府若
廢孫寧國知府敬忠兄子也崇禎十年進士授太倉知
州遷刑部員外郎連丁內艱乙酉五月南京失守六月
杭州繼陷閏六月寧波鄉官議納款肅樂建議起兵諸
生董志寧華夏等遮拜肅樂大呼倡首士民集者數萬
人肅樂乃建牙行事郡中監司守令皆逃惟一同知按

海東逸史卷六

一四明叢書

約園刊本

順紀年同知
爲朱之葵

治府事已齎圖籍迎降聞兵起叩首請罪

肅樂索取倉庫籍繕完守具會定海總兵王之仁既納
款而悔入城與肅樂締盟共守閩魯王在台州遣舉人
張煌言奉表請監國時紹興餘姚慈谿並舉兵王乃赴
紹興行監國事召肅樂爲右僉都御史畫錢塘江而守
尋進右副都御史上疏言目前時勢國有十亡而無一
存民有十死而無一生若不圖變計不知所稅駕矣當
是時之仁已封武寧侯方國安亦進鎮東侯其兵謂之
正兵食寧波紹興台州三郡田賦爲正餉孫嘉績熊汝

覆沈宸荃及肅樂等兵謂之義兵所食者皆取給於富
室樂輸爲義餉正兵司餉者直至殿陛爭譁奪取義餉
而義兵遂無所取給恆缺食已加兵部右侍郎累疏辭
不許明年四月軍食盡乃上疏言臣兵旣無餉不得不
散但臣以舉義而來大仇未雪終不敢歸安廬墓遂棄
軍之温州王得疏知不可留乃降旨令往海上同藩臣
黃斌卿鎮臣張名振其取道崇明以復三吳時方有由
舟山窺吳之計也逾月紹興失守王航海肅樂亦之舟
山唐王召之甫入境而延平陷遂隱海壇山採山薯爲

海東邊史卷六

二四明叢書

約園刊本

食丁亥鄭彩治兵海上王入長垣召爲兵部尙書疏薦
故太僕卿劉沂春廣東糧道吳鍾繼及閩中諸遺臣並

起用戊子王次閩安鎮拜爲東閣大學士與馬思理

勝朝殉
節諸臣

條云長樂人官東閣大學士兼禮部尙
書大兵平福州自縊死國朝賜諡節愍林正亨同入直

每日繫舟於王舟之次稟擬章奏旣畢則牽舟別去匡

坐讀書而已時唐王雖歿而其將涂登華尙守福寧王

遣大學士劉中藻攻之登華欲降而未決謂人曰豈有

海上天子舟中國公肅樂致書謂將軍不聞南宋之末

二帝不在海上文陸不在舟中乎後世卒以正統歸之

而況不爲宋末者乎今將軍死守孤城以言乎忠義則非其主也以言乎保身則非其策也依沸鼎以稱安巢危林而自得計之主矣登華得書遂降而是時鄭彩專柄連殺熊汝霖鄭遵謙又登華之降由於劉中藻故幕府立焉而彩反掠其地肅樂與中藻書每不直彩彩聞之恨甚肅樂故有血疾遂憂憤疾作卒於海外之瓊琦山年四十二

殉節諸臣錄云聞連江陷以頭觸牀死

遺言以故員外郎章

服入殮贈太保諡忠介

國朝改諡忠節

後六年故相葉向高曾

南澹釋史作向高孫

向寶卿進屍葬之福清黃蘗山婦翁董光

海東遺史

卷六

三四明叢書

約園刊本

遠破家爲肅樂輸餉奏授職方主事參幕府事肅樂既入海乃自縊而死

錢肅圖字退山號東村

鄞縣志云字肇一號退山

肅樂第四弟爲諸

生隨肅樂倡義授監紀推官紹興破從王泛海入閩擢御史召募義勇聯絡山海諸寨肅樂死與弟簡討肅範同人福安圍城中福安破肅範死肅圖從王至舟山又二年舟山破乃歸久之卒於家

錢肅範字錫九一字箕仲肅樂第五弟肅樂起兵其諸弟之從軍者並授監紀江干失守從肅樂浮海而南一

時諸從亡誥敕皆居其手授翰林院簡討肅樂既死大學士劉中藻方守福安招之往擢兵科給事中己丑四月福安陷望百辟山歎曰此宋少帝入海處也賦絕命詞投繯兵至被執不屈死年二十九僕張貴從之

錢肅遜字兼三肅樂第七弟以諸生從軍初授監紀未受人聞以薦授兵部職方主事

方主二字原脫以意補

己丑從亡

翁洲辛卯翁洲破來歸甲午張煌言以定西之軍入長江肅遜與弟推官肅典閒道赴之乙未翁洲復歸海上肅遜復與推官赴之丙申翁洲復破推官死焉肅遜亡

海東逸史

卷六

四四明叢書

約園刊本

命至崑山思得閒爲人海計己亥煌言復入長江肅遜又從之己而兵敗相失流轉太倉嘉定閒怏怏不自得一夕嘔血數斗大呼不絕以死年三十妻鮑氏祝髮爲尼

錢肅典字叶虞肅樂第九弟庚寅與兄肅遜從亡其保翁洲授監紀推官丙申大兵復下翁洲肅典與肅遜渡海告警追騎至肅遜得脫而肅典被執不屈死年二十

六

熊汝霖字雨殷餘姚人崇禎四年進士授同安知縣擢

戶科給事中以言事謫福建按察使照磨福王立召還以原官給事中起用轉

按九字原脫據南疆釋史補

吏科右給事中

南都陷馬士英竄走杭州汝霖責其棄主士英無以應之逾月杭州亦破乃與同里孫嘉績共起兵魯王監國擢右僉都御史督師防江時江上之兵每日募食鳴鼓放船登陸搏戰未幾又復轉柁還守率以爲常惟汝霖率五百人渡海寧轉戰數日夜至橋司士卒殘破略盡乃還因入海寧募兵得萬餘人別行伍分汎地以本邑進士俞元良司餉指揮姜國成主兵由是浙西吳中並

皆響應進兵部右侍郎兼左副都御史總督義師唐藩立閩中遣劉中藻頒詔至越汝霖曰吾知奉主上而已不知其他因出檄拒之丙戌五月進兵部尚書兼東閣大學士六月江干失守從王泛海時鄭彩自以扈駕功勢張甚汝霖票擬每右諸將而抑彩彩積恨久之已而彩與義興伯鄭遵謙交惡王次閩安從亡諸臣之室俱保琅琦李茂者彩之裨將也汝霖奴子與之爭口戊子元夕汝霖自王所歸沐熊鄭兩家警珥相問遺蔑以熊鄭合謀奔告彩乃夜使賊黨百人破門而人縛汝霖投

之海國朝賜諡忠節子琦紀年稱琦官甫六歲卽彩堦彩陽撫而陰賊之亦投之海中

孫嘉績字碩膚餘姚人宋燭湖先生之後忠烈公燧五

世孫大學士文恭公如游孫崇禎十年進士授南京工

部主事召改兵部擢職方員外郎進郎中小牌紀年作主事未嘗進

郎爲中官高起潛所譖下獄久之釋歸福王時起九江

兵備僉事未赴南都既陷杭州隨之乃與同里熊汝霖

共舉兵迎魯王監國擢右僉都御史督師防江進兵部

右侍郎兼都御史諸人雖迫於忠憤創義起事然皆書

海東逸史 卷六

六四明叢書

鈔圖刊本

生不知兵迎方王二帥拱手而授之國成凡原設營兵

衛軍俱隸方王而召募之街卒里兒則身領之方王既

自專反惡諸人之參決於是有分地分餉之議方王猶

爲不足攘奪義餉於是義兵無所取給恆散去無存奇

零殘卒不能成軍嘉績乃盡以歸之職方二字御史黃

宗羲而謝兵事丙戌五月以兵部尙書與汝霖同拜東

閣大學士六月江上師潰從王航海卒於舟山年四十

三南疆釋史作四十四贈太保諡忠襄子延齡官中書舍人從亡

海外歷仕至戶部尙書

沈宸荃字友蓀號彤庵慈谿人崇禎十三年進士授行人奉使旋里福王立復命南都擢山西道御史時馬阮亂政宸荃頻疏論之最後直糾士英擅權納賄蠹國殃民十二大罪士英怒必欲殺之臺省力救得免遂出爲蘇松兵備僉事未赴而南都破北兵至浙宸荃起義里中與熊汝霖孫嘉績錢肅樂等會師迎魯王監國擢右僉都御史江干失守棄家從王海外王次長垣連擢至兵部尙書東閣大學士復從王至舟山加太子太保舟山破又從泛海抵廈門至金門後艤舟南日山遭風沒

海東逸史卷六

七四明叢書
約園刊本

於海國朝賜諡忠節宸荃從亡時其父居家當事齟齬之父亦強直不能加害宸荃每思其父輒吟詩詩罷慟哭聞者不哀之

海東逸史卷七

翁洲老民撰

列傳四

上之仁字

原闕

直隸保定人官吳淞總兵遷浙江定海

總兵在定海已納款得貝勒令仍舊任鄞之故太僕謝三賓者家富耦國方西行見貝勒歸害錢肅樂等所爲乃貽書之仁謂滄滄訛訛出自庸妄六狂生而一釋紳和之將軍以所部來斬此七人事卽定矣某當以千金爲壽穉紳指肅樂蓋肅樂時年未四十也會肅樂亦遣

海東逸史卷七

一四朝叢書

約園刊本

客倪懋燾以書告之仁勸其來歸之仁兩答書約以十五日
至鄞而密語懋燾令具燕犒三賓不知也方以爲殺肅樂在旦夕屆期之仁至諸鄉老大會於演武場坐定之仁出三賓書對眾朗誦三賓遽起欲奪其書之仁變色因問肅樂曰是當殺以祭纛否語未畢長刀夾三賓下三賓哀號跪階下請輸萬金以充餉乃釋之之仁遂以兵迎魯王於台州王既監國封之仁武寧侯進寧國公時諸帥爭地爭餉攘臂譁爭敵兵臨江置之不問之仁雖悍戾尙忠齷上疏言起事之日八人有直搗黃

龍之志乃一敗之後遂以錢塘爲鴻溝天下事尙何忍
言臣今日計惟有前死一尺願以所部之兵沈船一戰
今日欲死猶戰而死他日卽死恐不能戰也丙戌三月
朔北兵驅船開堰入江閣部張國維嚴飭各營守汎令
之仁統水師從江心襲戰而自督諸軍復杭州會東南
風大起之仁揚帆奮擊之北兵敗去六月朔江上兵潰
諸將皆遁惟之仁一軍尙在將由江入海國維與之仁
議抽兵五千分守各營之仁泣曰壞天下事者方國安
也敵兵數萬屯北岸倏然而渡孤軍何以迎敵惟一死
而已乃載其妻妾并兩子婦幼女諸孫盡沈於蛟門下
捧所奉敕印北面再拜投之水乃立旗幟鼓吹張蓋泛
海至松江北兵意其降也護送至金陵我冠大袖肩輿
而入百姓駭愕聚觀之仁從容入見內院洪承疇自稱
前朝大帥國亡當死恐葬於鯨鯢身死不明後世青史
無所徵信故來投見欲死於明處耳承疇優接以禮勸
之鬻髮不從乃戮於市從子正中別有傳

張鵬翼字耀先浙江諸暨人官浙江總兵中軍都督府
左都督乙酉四月北兵南下鵬翼與右都督徐洪彥合

兵入援未至而南都陷遂從海道至紹興魯王封爲承
豐伯丙戌三月移鎮衢州北兵至副將秦應科等內應
城遂破鵬翼巷戰力竭被執諭之降大罵乃殺之國朝賜諡
烈愍小腆紀年載弟鵬弟繼榮南疆釋史勇冠三軍與
飛同被執不屈自刎死作季熊北兵戰力竭而死紀年云季熊嚴州守將戰敗拔有老
僧昇其屍歸將近衢里許道旁有旅肆忽見繼榮披甲
躍馬從數人至命具酒食肆主飛報入城軍中皆驚喜
急出迎之則繼榮屍適至始知向入旅店者乃其魂也
洪彥亦不屈死

海東逸史 卷七

三四明叢書 約圖刊本

蔣若來字龍江南直長洲人世居婁門形材短小獨骨
臂善騎射以事亡命居劉河巡撫張國維異其才拔自
行伍明季北略作生員以把總守江浦流賊薄城蟻附而上若
來提刀截殺應手而斃方坐城樓下俄見賊金冠紫袍
者握大石直前擊中若來面仆地賊乘勢合圍而前若
來奮躍登城射殪其酋復發大砲擊殺三千人以功擢
游擊守江浦六安宿松之役以無援敗累遷至浙江總
兵勝朝殉節諸臣錄小腆紀年並稱都督唐王立令與朱大典同守金華
魯王授官亦如之及城破令長子出而集妻妾子女於

廳縱火焚之提刀巷戰殺四十餘人力盡自刎死

賜諡

忠烈

鄭遵謙字履公

紹興府志作履恭

會稽人僉事之尹子爲諸生

跡弛任俠不爲繩墨之士所理南都陷闖人屈尙志

按小

興紀年福府內臣有屈尙忠者疑節一人

逃至越遵謙執而殺之曰吾聞諸

劉先生凡係逃官皆可誅劉先生謂宗周也北兵至潞

王以杭州降遵謙創眾起義殺北人所署紹興守會稽

令

紀年云紹興守張慄山陰令彭萬里

與錢肅樂等奉箋魯王拜中軍都

督府左都督封義興伯丙戌三月北兵決壩放船入錢

海東遺集

卷七

四四明叢書

約園刊本

塘江遵謙帥師敗之獲其鐵甲八百餘副紹興破崎嶇

浙閩閒從王航海至廈門進封義興侯大學士熊汝霖

爲鄭彩所害遵謙不平彩乃詐扑部將吳輝輝扶傷就

遵謙求書投鄭鴻遠遵謙過輝船送之遂被擒輝既擒

遵謙而難於面之伏艙底不出遵謙呼之曰汝鄭彩廝

養殺我豈出汝意而相避乎輝乃出遵謙乞雙雞孟黍

哭奠汝霖既畢遂躍入海中死

國朝賜諡節愍弟遵儉同

有妾金四

姐者故妓也嘗笞殺其婢王氏因下獄謙以千金出之

謙死四姐束縶象彩每饋奠斬象人以侑食彩聞之使

人沈之海中弟遵儉官通政司參議舟山破殉節死

荆本徹字太徽丹陽人崇禎辛未小腆紀年作甲戌進士官兵

部司務爲溫體仁所惡免官十七年起原官出爲下江

監軍道福王時授職方郎中仍監軍海上南都亡屯軍

施翹何號四會營招集諸將士會故總兵貢五常原注

人張士儀原注太倉人張鵬翼諸暨人原注崇明人疑承巡

撫田仰光祿卿沈廷揚各以眾至義陽王避亂亦自太

倉投馬魯王進拜副使丙戌扈王出海屯小沙嶼其將

士多善射黃斌卿忌之造爲流言率眾攻之遂遇害勝朝

海東逸史 卷七

五十四明 敵書

殉節諸臣錄云沒於浙東國朝賜諡節愍子元相亦見殺

海東逸史卷八

翁洲老民撰

列傳五

沈廷揚字季明號五梅崇明人少爲諸生慕忠孝大節
崇禎中由國子生爲武英殿中書舍人以海運功擢戶
部郎中尋加光祿寺少卿仍督運駐劄登州京師陷福
王立於南都命廷揚以海舟防江尋命兼理餉務餽江
北諸軍南都失守航海至舟山依黃斌卿唐王在福建
授兵部右侍郎總督水師魯王授戶部左侍郎王航海

海東逸史

卷八

一四明叢書

約園刊本

之明年四月吳淞提督吳勝兆反正以蠟書來求援斌
卿不敢應廷揚及都御史張煌言給事中徐孚遠御史
馮京第勸定西侯張名振就其約名振遂率舟師同廷
揚等北上統水船二百餘號直抵崇明及吳淞會颶風
大作舟覆名振等踉蹌遯歸廷揚獨與北兵大戰四晝
夜抵福山次鹿苑夜分颶風又起舟膠於沙與麾下七
百人俱被執蘇撫土國寶勸之降不從乃先驅七百人
於婁門外李王廟駢戮之無一人肯屈者廷揚至南京
內院洪承疇素與廷揚善欲脫之詭曰我聞沈廷揚已

爲僧若敢誑乎廷揚督之遂下獄猶遣其門人周亮工說之廷揚曰毋多言吾今日非一死不足塞責乃與部下贊畫職方主事沈始元總兵官蔡德游擊蔡耀戴啟施榮劉金城翁彪朱斌林樹守備畢從義陳邦定及嗣子元泰同就戮年五十三

國朝賜諡忠節

妾張氏奔視含斂哀慟道路歸亦自縊後贈戶部尙書

黃銘丹字丹侯崇明人諸生崇禎十二年流寇毀鳳陽祖陵銘丹憤激與妻子訣誓不破賊不還因謁制府獻平寇諸策爲史可法參謀及京師陷里人沈廷揚方以

海東通史 卷八

二四 明 黃 銘 丹

光祿卿駐淮上銘丹投謁曰丹在史公處無所表見願假一旅以自效因令至崇明募水師師方舉而福藩以江北分屬四鎮廷揚無分地遂無功南都失守吳中瓦解銘丹方抵浙詢帝王消息知廷揚已入舟山乃撫膺曰事不可爲矣南向慟哭赴海死妻施氏亦殉焉

馮京第字躋仲號簞谿慈谿人崇禎十三年進士授行

人按京第不由進士出身詳見鮑琦亭集及谿改禮部

上遺聞集錄以上十字當由沈宸荃傳謄移主事乞假歸福王立以原官召未赴南都亡杭州繼陷乃從里人沈宸荃等起義紹興監國擢御史尋進僉都

江干師潰從王航海時議遣平海將軍周鶴芝乞師日本黃斌卿止之鶴芝怒而入闕京第謂斌卿曰北都之變東南如故并使其東南而失之者是誠吳三桂乞師之誤今我無可失之地比之前者爲不倫矣斌卿乃使其弟孝卿同京第往至長崎島其王不聽登陸京第日於舟中朝服拜哭不已會東京撒斯馬王遣官行部如中國巡方御史京第因致其血書王聞長崎王之拒中國也曰中國喪亂我不違恤而使其使臣哭於吾國吾國之恥也遂議發各島罪人同孝卿往而令京第先還

致洪武錢數十萬蓋其國不能鼓鑄但用中國古錢舟

山之用洪武錢始此

按餘姚縣志京第乞師與宋之瑜借京第先歸之瑜遂留南疆釋史

結崎亭集諸書並不著之瑜名日本人岡千仞來徵乞師事則祇知之之不知京第蓋之瑜留故也事詳補傳

丁亥四月同定西侯張名振率舟師北上至崇明而海

歎舟覆得脫歸己丑秋擢兵部右侍郎是冬仍命京第

及副都御史黃宗義同澄波將軍阮美往日本乞師終

以不得要領而還時餘姚人王翊結寨四明京第乃聞

行至與之合軍杜輿聲勢頗振庚寅冬北兵將攻舟山

惡四明中梗乃分兵兩道入大蘭山時京第已寢疾匿

鶴紀年頂山中爲其叛將紀年云所縛致之寧波諭降

不從乃殺之

徐孚遠字闇公晚號復齋南直華亭人南京刑部侍郎陟曾孫崇禎十五年舉人明年下第歸兩京相繼陷慨然而起指其髮誓曰此卽蘇武之節也我甯全髮而死必不去髮而生遂與夏允彝小腆紀年云字彝仲號瑗公崇禎丁丑進士官吏部主事乙酉九月自溺陳子龍明季南略云字臥子號海死國朝賜諡忠節左侍郎勝朝殉節諸臣錄作右侍郎事等謀勤王事不敗被執乘間投水死國朝賜諡忠裕

海東遺事

四四明叢書

約園刊本

遂聞道往浙自浙入閩時唐王方卽位於福州府改福州爲天興府遂除孚遠天興司李斷獄平正尙書張肯堂出募師加孚遠兵科給事中同行旣而閩浙相繼陷魯王航海孚遠從之從定西侯張名振帥舟師北上颶風舟覆孚遠以後殿得免王至舟山擢國子監祭酒舟山破從王之廈門依鄭成功成功以師禮事之戊戌正月滇中遣使齎璽書通問成功拜孚遠左副都御史孚遠隨使人覲遂泛海由交趾入安隆交趾要原譌其行禮不從不聽過仍返廈門臺灣外紀以爲從滇朝見歸屢失道安南而行朝錄則云

朝瀕時不得過
安南遂回廈門
廈門破爲北帥吳六奇所藏完髮以死

在海外復娶戴氏生子永貞扶櫬至松江未葬子亦死

明史謂孚遠因松江破死島中泉州府志謂居廈之曾厝寮卒龍溪縣志謂遊龍溪後不知所終南疆釋史謂歿於臺灣野乘謂癸卯廈門破諸耨紳東渡獨孚遠歸華亭明詩綜引靜志居詩話亦有乘桴遠引騎鶴重歸語似孚遠未渡臺者惟孚遠交行摘稿後附林在王漢所撰二傳言癸卯之變擬歸故鄉不果轉徙入潮之饒平山以歿又賜姓本末說與此合按六奇爲潮之饒平人當得實也

所著詩文散佚殆盡

孚遠少時與同里夏允彝陳子龍齊名三人嘗言志孚

遠慨然流涕曰百折不回死而後已允彝曰吾僅安於

無用守其不奪子龍曰吾無閩公之才而志則過於彝

仲顧成敗則不知也後皆如其言

陳士京字齊莫號佛莊鄞縣人崇禎之季天下多故挾

策浪游久之無所遇歸而國難作悒悒不出畫江之舉

熊汝霖薦授職方郎中會都督

命士京監其軍以行謙破殺士京遁之海上鄭芝龍聞

其名令其子成功與游芝龍降北成功不從士京實贊

之戊子王在閩安擢兵科給事中遷光祿寺卿奉表粵

中時惠潮路斷乃迂道沿海資斧俱竭賣卜以前粵中

加原闕都御史固辭欲留之不可己丑王入舟山士京

在閩與成功相結以爲後圖成功頗以恢復自任賓禮
遺臣故老於是海上衣冠雲集久之見海師無功粵事
亦日壞乃築室同安之鼓浪嶼題曰鹿石山房賦詩自
遣己亥成功統師入長江以士京參預島上留守事觸
疾而卒國朝賜諡節愍年六十五時王在南澳聞之震悼親爲
文以祭之

海東逸史卷九

翁洲老民撰

列傳六

王翊字完勳號篤庵慈谿人後居餘姚少孤爲諸生有智略魯王監國翊與慈谿諸生王江同起兵海濱與江

上師爲聲援授兵部職方主事浙東不守翊渡海

按小腆紀

年翊走海隅王師購之急囚其弟翊以招之翊不屈死翊泣曰是不負完勳家也

至舟山說黃

斌卿攻寧波許爲內應爲降紳謝三寶告變及斌卿以舟師至遂爲北兵所敗翊乃入四明山結寨於大蘭居

海東逸史卷九

一四明叢書

之戊子三月破上虞殺其署縣事者浙東震動御史馮

京第自湖州軍破亦間行至四明與翊合軍杜輿守關

馮牙軍容甚整北帥勒兵東渡下教鄉聚團練攻杜輿

破之京第匿民舍翊以四百人走天台謂諸將曰是皆

團練之罪也北兵雖健我視其銳則避之懈則擊之非

團練爲之鄉導彼敢行險地如枕席乎然北兵團練豈

能相守吾卒雖殘其破團練尙有餘力乃自天台至四

明擊破鄉聚之團練者沿道招集流亡一月復至萬餘

人而京第亦出己丑春又破上虞新令逃去得其印當

是時浙東山寨蕭山則石仲房

南疆釋史作仲芳

會稽則王化

龍陳天樞天台則俞國望金湯奉化則吳奎明

紀年云在天台

袁應彪

紀年作彪

千里之閒屹然相望然皆撓掠暴橫而平

岡張煌言上虞李長祥且耕且屯獨不擾民又單弱不能成軍惟翊一旅蔓延於四明八百里之內設爲五營五司翊主兵江主餉勸分富室單門而下安堵如故履畝而稅人亦無不樂輸者平時不義之徒立置重典其所決罰人人稱快浙東列城爲之晝閉胥吏不敢催租縛民惴惴以保守一城爲幸皆薦誠講解翊計天下不

海東遺史

卷九

一一

四明叢書

能無事待之數年庶幾爲中原之應也自上虞出東徇

奉化北兵方攻吳奎明奎明力竭而遁北兵追奔至河

泊所翊猝遇之而戰北兵大敗六月

紀年作十月

翊朝行在

拜右僉都御史會稽人嚴我公以招撫至浙湖州柏襄

甫會稽顧虎臣等皆降我公得渡海發使至四明山翊

之部將左都督黃中道烹其使我公遁去庚寅三月復

來朝進兵部右侍郎兼官如故八月破新昌拔虎山進

木部尙書右副都御史明年春北兵將攻舟山惡翊中

梗乃分二道一由奉化一山餘姚會師於大蘭山帳房

三十里游騎四出以搜伏聽者翊遁入海

據紀年在復唐辰九月

還山中所留諸將降殺且盡翊傍無所倚二十四日
至北溪爲圍練兵所執是夜大星墮田野雞皆鳴過奉
化賦絕命詩有平生忠憤血飛濺於羣虜之句在獄中
每日從容束幘掠髮修容謂守卒曰使汝曹得見此漢
官威儀也八月十二日會訊於定海翊坐地上曰毋多
言成敗利鈍皆天也汝等何所知十四日行刑羣帥憤
其積年倔強聚而射之或中肩或中頰或中脇翊不稍
動如貫植木洞胸者三尙不仆乃斧其首而下之始仆

海東逸史卷九

三四明叢書

約園刊本

按紀年翊以辛卯七月復入山二十四日夜有大星墜
地詰朝破執至定海不屈死之時八月十二日也遺一
女年十三字黃忠義子以例沒入勳貴家參領某憐其
爲忠臣女撫之如所生有劉弁者求之女不可參領難
之女突出所佩劍自刎死年三十六國朝賜諡烈愍從者二人
參領大驚以劍殉葬焉

一曰石必正揚州人一日明知餘姚人皆不肯跪掠之
跪則跪而向翊又有參軍蔣士銓嘉善諸生在軍三年
山寨之破他人皆去士銓獨從之初五日先翊受刑賦
絕命詞翊在獄爲文祭之而北人見者無不泣下曰非
獨王公忠也乃其從者亦義士也江母爲北帥所得以
之招江江削髮以僧服見安置杭州母以天年終江復

與定西侯張名振引師入長江登金山遙祭孝陵題詩

慟哭丙申復與沈調倫聚眾四明山調倫見殺江亦傷

箭而死詳江本傳此義文也先是休寧人趙立言以餘眾棲四明

山中與江山諸生李國楹約取江山按紀年繫於丙申八月下戊子作明年則爲丁

酉年矣戊子正月朔立言將三百人攻克之國楹失

期不至明日北兵大至立言迎戰殺數人馬躓墮水死

子楨恨甚至國楹家欲殺之乃爲北兵所執與國楹同

死

王江字長升慈谿人爲諸生與同里王翊同起兵結寨

海東逸史卷九

四四明叢書

特圖刊本

四明山中先是晝江而守二人連名上書監國請募沿

海義勇勤王自效授戶部主事按小腆紀年以己丑七月授是職後無進階

改戶科都給事中師甫集而王航海二人遂頓兵四明

之杜輿以爲海上聲援海上人呼東西王以別之西王

主兵東王主餉當是時浙東之師雲起由寧紹以至台

處所謂山寨者相望也然皆烏合不練之兵又無所得

餉四出劫掠居民苦之獨翊招兵最盛而江善理餉計

山中屯糧所收不足親往民家計其產用什一爲勸輸

以忠孝感動之有額外擾民一粟者必誅又時遣人入

內地結連遺老致其屏屨之助故杜舉一軍之強甲於他寨馮京第張夢錫遂合軍來守大蘭江總司三營之餉浙東列城畏之如老熊當道胥吏不復下鄉催租於是山中之民益樂輸監國之居舟山非此一軍莫能安也拜都察院右僉都御史晉右副都御史庚寅大兵決計下舟山先廓清山寨以絕其援兩軍由餘姚奉化會於大蘭而游騎分道四馳京第夢錫並死之翊避入海江亦遁去大帥劫江之母以招之江乃盡鬻其髮以浮屠服至杭大帥喜甚盛爲館帳如幕府而防閑之未幾

海東逸史卷九

五四明叢書

約園刊本

母卒江買一妾昵之其妻晨夜勃谿詬詈江乃控之吏而出之妻亦攘臂登車歷數江之過而去一日江游湖上守者以其妾在不疑而江竟不知所往乃知向者特以術脫其妻也江乃復入海朝監國於金門張名振請爲監軍甲午引師入大江抵燕子磯望祭孝陵題詩慟哭而還乙未名振卒海師復下舟山時按紀年係丙申八月有沈調倫者復起四明山中來迎江乃赴之山中人聞江至壺漿以迎者如蝟浙東大帥方以舟山爲急聞江至謂山寨且復爲舟山犄角急攻之調倫見殺江亦中流矢

卒

海東逸史卷九

六四明叢書
約園刊本

海東逸史卷九

海東逸史卷十

翁洲老民撰

列傳七

張肯堂字載寧號鯤淵

小廌紀年南疆釋史並作鯤淵

南直華亭人丁

啟五年進士崇禎末以僉都御史巡撫福建南都亡總

兵鄭鴻達擁唐王入閩與其兄南安伯芝龍及肯堂勸

進遂加太子少保吏部尙書會原任工部侍郎曾櫻

明季

南略云字仲舍號二雲江西峽江縣人萬曆丙戌進士官至文淵閣大學士閩中亡避居廈門辛卯廈門破自縊死國朝賜諡忠節至言官請令櫻掌吏部乃令肯堂掌都察院

海東逸史 卷十

一四明叢書 約園刊本

紀年云肯堂以劾戴功進兵部尙書改掌都察院事尋復轉戶工吏三部尙書

肯堂面陳恢復

大計因言江干之禍皆由罪輔馬士英又加以棄主而

逃今聞其在浙法所不赦故唐王登極詔中卽發其罪

士英叩關自理七疏皆不納而芝龍力爲之請詔令其

恢復杭州始申雪於是士英竟不得入然芝龍終無意

恢復惡肯堂之日以親征勸王也思出之外肯堂因自

請出募舟師由海道抵吳淞倡義旅與浙東相倚接乃

加少保兼戶工二部尙書總制北征賜尙方劔給敕印

便宜從事以吏部侍郎朱永祐兵科給事中徐孚遠從

行皆肯堂同里人也按紀年時永祚官太常寺卿本肯傳云加侍郎銜又以爲上海人

堂乃請平海將軍周鶴芝將前軍定洋將軍辛一根將

中軍樓船將軍林習山釋史鮑琦亭集紀年並作林習而紀年丙戌十二月鄭成功起

兵海上又云以林習山爲樓船鎮是否一人未詳將後軍行有日矣芝罷密疏

止之以其私人郭必昌代爲總制命肯堂回福京監鄉

試事丙戌八月閩中陷肯堂飄泊海外出私財募兵與

周鶴芝共事尋爲鶴芝所忌乃北發己丑十月至舟山

魯王拜爲東閣大學士加太傅辛卯八月北兵大至有

勸肯堂他適者肯堂曰我昔爲閩撫應死封疆以唐王

海東蓬史卷十

二四明叢書
繪圖刊本

存亡未審故不死後知魯王在是亦高皇帝子孫因事

之今更何所圖惟有一死而已北兵乘大霧集螺頭門

定西侯張名振奉王航海擣吳淞思牽制北兵以肯堂

爲留守城中兵六千居民萬餘堅守十餘日城破肯堂

衣蟒玉南向坐視其妾周氏方氏姜氏鮑琦亭集云姜姬投水死畢

氏子婦沈氏女孫茂漪次第縊死乃從容賦詩紀年載其詩云

虛名甘載冀塵寰晚節空餘學圃間難賦歸來如靖節聊歌正氣續文山君恩未報徒長恨臣道無虧在克艱

寄語千秋青史筆自縊於院左之雪交亭國朝賜諡忠穆雪交

亭者滿院梨花肯堂平日讀書處也中軍將林志燦林

桂並格鬪死守備吳士俊家人張俊彭欽

釋史鮎琦亭集並作歎

皆絕脰死北帥問肯堂有絕命詞手跡懸賞募之一老
兵得之以獻北帥賞之不受曰我志在表揚忠義耳不
爲利也

蘇兆人字寅堂

鮎琦亭集作寅侯

吳江人諸生少師事張肯堂

南都失守亡命海上肯堂旣相薦授中書舍人尋進禮

部主事嘗謂肯堂曰先生他日必死國事兆人富爲先

驅時傳江陰諸生黃毓祺殉節時獄中詩至

小腆紀年云毓祺字

介茲貢生乙酉閏六月起兵行塘已丑三月被執至江
寧不屈死有小遊仙詩云大夢誰分醜與妍白楊風起

海東逸史卷十

二四明叢書

鮎園刊本

總茫然孤絲無用從人割膏爲能明苦自煎桂折蘭摧
誠草纔爲愁草盛稻苗稀日暮徐看荷鋪歸何處先生
多好此中居士故非非肥魚不肯憐蛟瘦飽鷄騙能
笑鶴飢詩讀蒙莊齊物論橫空白月冷侵衣散髮人聞
汗漫遊風吹白日忽西流湖沙慣嚇斜飛燕孔雀偏逢
眠觸牛鄉里小兒朝拜相江湖暴客夜封侯神仙赤舌
如飛電開口舒先笑不休腹中書任他人曬懶鼻禪從
甚處懸惟有丹心堅自愛忍能鑿破化爲圓最無根蒂
是人羣會合真成偶爾文沙際鷺鷥常泛泛風前落葉
自紛紛掉頭東海隨烟霧屈指西園散雨雲況復炎涼
世絕倒瀟陵愁殺故將軍百年世事弈棋枰冷眼常觀
局屢更烏喙只堪同忠難龍顏難與共昇平遙空自有
飢鷹擊古路曾無狡兔橫爲報韓盧并宋鵠只今公等
固當烹四章肯堂兆人並和之紀年云兆人和詩有不
自注七夕作肯堂兆人並和之改衣冠可爲士誤移頭
面卽成及舟山破賦絕命詞曰保髮巖夷夏扶明一死
魔成句

生孤忠惟自許義重此身輕拜肯堂曰兆人行矣卽縊於雪交亭下

國朝賜諡節愍

吳鍾巒字峻伯別字穉山號霞舟南直武進人弱冠爲

諸生出入文壇者四十餘年海內推爲名宿而不得第

晚以貢生教諭光州從河南鄉舉成崇禎七年進士年

已五十八矣授長興知縣以旱潦徵練餉不中額謫紹

興府照磨踰年移桂林推官聞京師變流涕曰馬君常

小腆紀年云謂馬世奇

必能死節已而果然福王立遷禮部

南疆釋史

主事行抵南雄聞江南陷轉赴福建痛陳國計唐

海虞遺史卷十

四四明叢書約園刊本

王甚重之補廣東副使未行閩中又亡魯王次長垣以

錢肅樂薦召爲通政使肅樂鍾巒丙子同考所得士也

申明職掌疏言近來遠近奏章武臣則自稱將軍都督

文臣則自稱都御史侍郎三品以下不屑署也至所在

游食江湖者則又假造偽印販鬻官爵偃臥邱園而曰

聯師齊楚保守妻子而曰聚兵數萬請加嚴核募兵起

義者則當辨其冊籍花名原任職官者則當辨其敕書

劄付王是之陞禮部尚書原官如故兼督學政己丑七

月王次健跳閭地盡失每日朝於水殿而鍾巒飄流所

至輒試其士之秀者入學率之見王襴衫巾繚拜起秩

秩或哂其迂鍾巒曰陸秀夫在厓山舟中尚講大學豈

可顧沛失禮乎按紀年鍾巒曰齊濟多士維周之憤可

以亂世而失教士耶在舟山朱永祐與講顧氏東林之學或笑其迂答曰然則厓山陸丞相亦非耶十月從至舟山加太子

太保辛卯八月舟山破鍾巒時在普陀慷慨語人曰昔

者吾師高忠憲公紀年云謂高攀龍與吾弟子李仲達死奄難

吾爲詩哭之吾友馬君常死國難吾爲詩哭之吾門生

錢希聲從亡而死吾爲詩哭之吾子福之倡義而死按

紀年以乙酉六月起兵太湖越三月事敗投湖死國朝入祀忠義祠吾爲師哭之吾老矣

海東逸史卷十

五四明轍書

約圖刊本

不及此時尋塊乾淨土卽一旦疾病死其何以見先帝

謝諸君於地下哉然吾從亡之臣當死行在遂復渡海

入城與大學士張肯堂訣曰吾以前途待公乃至文廟

積薪左廡下藏所註易經於懷抱孔子木主舉火自焚

賦絕命詞曰只爲同志催程急故遣臨行火澣衣時年

七十五國朝賜諡忠烈

李向中字豹章號立齋湖廣鍾祥人崇禎十三年進士

授長興知縣以能調秀水內遷車駕司主事甫至淮南

國亡福王時進郎中巡視浙西嘉湖兵備尋調蘇松甫

至任而南都又亡乃與沈猶龍

小腆紀年云字雲升華亭人萬曆丙辰進士歷

官至兵部右侍郎乙酉

八月松江破中流矢死夏允彝等起兵不克走至閩唐

王以爲尙寶卿閩中敗避海濱劉中藻起兵於福安向

中同朝於王所拜兵部侍郎巡撫福寧監福安軍福安

破從王航海進兵部尙書兼掌都察院事從至舟山加

太子太保是時諸臣壽命舟楫日炙風餐面目黧黑獨

向中辛采隱然自營如故庚寅冬丁外艱令墨纒視事

辛卯八月舟山破歎曰先帝以治行拔向中不能死難

華亭之役不與沈夏諸公俱死福寧之役不與劉公俱

海東逸史卷十

六四明藏書

約園刊本

死偷生七載亦希得一當以報先帝今已矣我死幸投

我海中以志恨北帥召之大罵不赴發兵捕之以縲經

見北帥阿之曰聘汝不至捕之卽來何也向中瞠目曰

前則辭官今來就戮耳因大罵而死其絕命詞有血化

萋宏碧相向燃死灰之句行刑者乃其舊部遂投其屍

於海年四十一

國朝賜諡忠節

長子善毓從死

朱永祐字爰啟號聞玄南直上海人崇禎七年進士授

刑部主事改吏部乞假歸友人問近讀何書曰忠孝二

字未熟何暇丹鉛乙西南都大亂預於夏陳諸公之事

唐王立於閩中召爲文選司郎中改戶兵二科都給事中遷太常寺卿兼原官時尙書張肯堂出募舟師乃加承祐侍郎銜偕行數勸鄭芝龍毋降不聽將遣力士趙牧刺之亦不果閩中破魯王擢拜刑部侍郎王至台加吏部左侍郎舟山建國以工部尙書仍兼吏部事辛卯八月舟山破適病不能起被執北帥勸之曰文丞相尙有黃冠歸故鄉之語先生若肯鬚髮便可不死承祐曰吾髮可鬚何待今日遂口占絕命詩有云縱使文山猶在日也應無髮戴黃冠請死益力跌坐受刃其僕負屍

出戒流血沾衣哭曰主生前好潔今遂無知耶血遂止

國朝賜
諡烈愍

海東逸史 卷十

七十四明叢書

約園刊本

海東逸史卷十一

翁洲老民撰

列傳八

黃斌卿號虎癡興化衛人以恩例授把總崇禎間官至

翁洲參將福王時擢浙江

小腆紀年作江北

總兵南都亡遁歸

唐王立得附勸進乃上言舟山爲海外巨鎮番舶來往饒魚鹽之利西連越郡北達長江此進取之地也王善之封爲肅虜伯賜劔印率兵屯舟山得便宜行事魯王監國以兵來會進侯紹興陷富平將軍張名振扈王出

海東逸史卷十一

一四明叢書

約園刊本

海投斌卿斌卿不納王遂飄泊外洋然斌卿怯於大敵而勇於害其同類副使荆本徹屯小沙嶼斌卿擊殺之并其眾叛將張國柱悉師攻舟山爲阮進敗去斌卿復得其樓船百號聲勢益振而進實名振之水營部將斌卿聞之使背名振奪其船隻軍資器械無算寧國公王之仁鎮倭將軍王鳴謙至舟山斌卿並誘擊之忠威伯賀君堯以殺禮部尚書顧錫疇

紀年云字肅屏崑山人萬曆己未進士南都授

禮部尚書闕中進東閣大學士國朝賜諡節愍爲眾論所不與挾重賫來舟山

斌卿遣盜殺之掠其貲平西將軍王朝先在蛟關斌卿

利其兵力貽書招之中途遣將假迎劫之朝先跳水得
免於是諸將積恨斌卿會王在沙埕名振進同往迎之
進軍飢恃昔日保全舟山之力以百艘來告急斌卿不
應亦不使人至行在朝先遂與名振進合詞上疏於王
揭其罪惡有旨奉討斌卿遣其將朱攻紀年陸瑋禦之
輒敗求救於安昌王恭櫟大學士張肯堂上章待罪所
不改心以事君者有如水又議和於諸營曰彼此皆王
臣也兵至無妄動請候處分初皆安堵既而攻瑋背約
出洋諸將疑斌卿之逃也縱兵擊之沈斌卿於水國朝

海東逸史 卷十一

二 四明叢書
約圖刊本

節 二女皆死焉

王朝先故四川土司也小腆紀年崇禎中調征遼東官

平西將軍京師陷南奔魯王時擁兵蛟關黃斌卿利其
兵力屢貽書招之朝先率二艦渡橫水洋斌卿即遣標
將朱攻陸瑋以假迎劫之朝先跳水得免既至斌卿摘
其印留之部下不任以事定西侯張名振爲之力請還
其印解衣衣之贈以千金朝先居閒請徇邊海至奉化
之鹿頭南疆釋史四五月而聚兵數千邊海爲之出賦
丁亥王次長垣封爲平西伯紀年作己丑七月受朝先

於是深結名振及蕩胡伯阮進以二人與斌卿有隙也
己丑閩地盡陷王至健跳軍飢告急斌卿斌卿不應會
斌卿標將黃大振得罪逃朝先所因誑朝先曰將軍家
口及標屬盡被本爵所鈔沒某以苦諫獲戾故出亡耳
朝先積恨久遂與名振進合兵攻之殺斌卿而并其眾
朝先既得志威福日作漸與名振攜貳爭糧爭汛逞力
恃強名振銜之辛卯二月名振忽引兵至時朝先居守
舟山名振治兵南田朝先不虞其見襲也士卒散遣民
舍倉猝無備手格數人而死

海東逸史卷十一

二四明叢書
約圖刊本

周鶴芝字九玄

小腆紀年
作號九京

福清人讀書不成去而爲盜

於海嘗往來日本以善射名與撒斯瑪王結爲父子故
在海中無不如意閒至家爲有司迹捕繫獄三年賄吏
得解爲盜如故久之就撫以黃華關把總稽察商船唐
王立加水軍都督封平海將軍副黃斌卿駐舟山斌卿
爲人猜忌而鶴芝慷慨下士來者多歸附由是與斌卿
不合魯王在紹興鶴芝議乞師日本已有成約斌卿止
之曰大司馬余煌書來此吳三桂乞師之續也鶴芝怒
而入閩斌卿乃自遣其弟孝卿同御史馮京第往日本

不見鶴芝師卒不出。王至長垣，禡牙出師封鶴芝爲平夷伯。鶴芝帥師復海口，以參議林鶴舞總兵趙牧守之。旋復陷，鶴舞牧並死之。鶴芝退保火燒畧，尋同鄭彩阮進之師攻福州，復敗績。王至舟山，鶴芝與弟瑞以樓船三百餘號分屯溫之三盤，以爲舟山犄角。未幾，與瑞有隙。王使吳紀年明中往解之，明中至，搆之益甚。瑞遂南依鄭彩，鶴芝亦北結阮進，彩與鄭成功爭廈門爲成功所敗，泊沙埕。鶴芝進既怨瑞，而張名振欲結歡成功，遂與鶴芝進擊破彩之餘兵。鶴芝軍遂振辛卯八月，舟山

海東逸史

卷十一

四一四明徵書

利園刊本

破鶴芝航海往日本，不知所終。鶴舞莆田人，趙牧常熟人，並爲鶴芝客。鄭芝龍之降北也，鶴舞陳八不可弗聽。監軍朱永祐謂鶴芝曰：「虞山趙牧，其人勇士也。我欲使見芝龍而刺之，不果，後並死海口。」

阮進會稽人，本海中盜也。善水戰，富平將軍張名振拔之，使管水營，常率一艦破賊船三百餘。故海上多望而畏之。叛將張國柱攻舟山，黃斌卿不能禦，進以四舟衝國柱營。時秋濤方壯，大礮乘之，所向糜碎。國柱僅以身免，斌卿獲其樓船器械無算，反忌名振之有是人也。以

計開之使背名振而從已進心弗善也丁亥王次長垣封進塲胡伯己丑六月名振復健跳所以處王七月北兵圍健跳進率其樓船數百奮勇而至金鼓震天北兵解去九月軍飢進恃昔日保全舟山之力以百艘泊舟山告急斌卿不應遂與名振朝先等合兵攻之殺斌卿投之於海由是水師盡歸於進王至舟山加進太子太保辛卯八月北兵分三道來攻名振扈王出海而使進居守進詣海門議和北人欲誘之進以數船脫歸值北師舟過進投以火毯風轉篷腳反擊進面創甚投水爲

海東建東

卷十一

五十四明叢書

約圖刊本

北兵所獲逼之降大罵乃殺之姪駿初官英義將軍加封英義伯舟山破與名振扈王出海屯廈門乙未與總制陳雪之共圍舟山破之丙申復陷與雪之並赴海死姚志卓字子求長興人小腆紀年云與金堡同里係仁和人乙酉閏六月與參將方元章起兵以錢塘人張起芬爲將攻破餘杭與江東諸營遙爲聲援金堡紀年云字道隱崇禎庚辰進士至闕奏其戰功唐王封爲仁武伯十二月餘杭陷走於潛元章戰死丙戌十月戰江山又敗遁入處州山中其兄志元僞稱志卓已降志卓得脫而志元見殺是月與詹兆恆紀年

云字月如江西永豐人崇禎辛未進士歷官至兵部司
尚書丁亥三月攻開化不克死之國朝賜諡忠烈
破永豐其後遷徙無常至乙未冬紀年作甲午正月定西侯張
名振少司馬張煌言率水師至鎮江志卓以其兵來會
力攻崇明沒於陣而起芬被執至杭懸之樹閒射殺之
素不讀書臨刑有詩云身經刀過頭方貴死不泥封骨
亦香

海東逸史卷十二

翁洲老民撰

列傳九

張吉振字儀服山西人南京錦衣衛籍崇禎末以副將

任台州石浦游擊封富平將軍

據小腆紀年魯王監國始加是銜

乙酉

杭州失守路王降錢肅樂等舉義名振以兵來赴魯王

監國封富平伯丙戌六月江上師潰名振棄石浦避中

軍方簡以舟師迎王出海投蕭虜伯黃斌卿於舟山斌

卿不納遂飄泊外洋會閩中丞勝伯鄭彩以失撫州獲

海東逸史 卷十二

一四 續編書

罪乃遣其將陳輝來迎王遂居廈門封彩建國公遣名

振定西候丁亥四月吳淞提督吳勝兆反正以蠟書來

求援斌卿不敢應而故都御史

按紀年時方進侍郎

沈廷揚及僉

憲張煌言侍御馮京第並勸名振以其兵就約時斌卿

已進肅虜侯其肅虜伯故印猶在名振卽以其印封勝

兆刻師期而請廷揚煌言京第及給事中徐孚遠監其

軍以行聯艘二千將抵崇明海嘯大風舟覆踉蹌而歸

廷揚死焉己丑六月帥師復健跳所時閩地盡陷鄭彩

亦棄王而去名振迎王至浙九月與蕩胡伯阮進平西

伯王朝先合兵攻舟山殺斌卿王遂移躡舟山稱行在
焉乃進名振太師當國政辛卯七月北兵三道攻舟山
名振以蛟鬪天險海上諸軍熟於風信足以相拒必不
能猝渡乃留阮進守橫水洋而自以兵奉王搗吳淞以
牽制之軍甫發而進以反風失勢戰死城遂陷名振聞
信慟哭欲投於海王與諸將救之而止乃復與英義伯
阮賢同出海至廈門見延平王鄭成功成功大言曰
汝爲定西侯數年所作何事名振曰中興大業成功曰
安在名振曰濟則微之實績不濟則在方寸聞耳成功

海東通史

卷十二

十四朝叢書
約對刊本

曰方寸何據名振曰在背上卽解衣示之有赤心報國
四字長徑寸深入肌膚成功見之愕然悔謝曰久仰老
將軍聲望奈多憎之口何因出歷年謗書盈篋名振立
命火之於是待名振以上賓行交拜禮總制諸軍癸巳
春名振請師北上成功與兵二萬糧三月以兵部侍郎
張煌言監其軍師過舟山遙祭死事諸公遂入長江趨
丹陽掠丹徒登金山望石頭城遙祭孝陵三軍慟哭失

聲題詩絕壁有十年橫海一孤臣之句

原註詩云十年橫海一孤臣佳

氣鍾山望裏真鴛首義旗方出楚燕雲羽繳已通閩王
師炮鼓心肝碎父老壺漿涕淚頻南望孝陵兵縞素會

看大纛 冬盡撤回明年春益以兵將再入長江掠瓜州

侵儀真抵燕子磯札營平陽時以上游有蠟書請爲內

應故名振再舉而所約卒不至乃還復屯軍南田名振

與士卒同甘苦諸軍感甚有太師旣楊腹我輩亦忘飢

之謠會故仁武伯姚志卓誠意伯劉孔昭並以軍來依

名振立營號召舊旅勢益振遂攻崇明入吳淞掠戰

船六百餘艘徑入山東登萊諸處直抵高麗而還按紀

已三月請兵北上姚志偉劉孔昭以眾來依駐營崇明

尋撤回九月復駐平陽繼進十二月大兵與戰敗績甲

午正月以上游有蠟書爲內應再入長江登金山遊祭

孝陵題詩東丁四月復以海艘至儀真焚商船六百號

海東逸史 卷十二

三四明 崇禎

尋以沙船入山東登萊 乙未冬英義伯阮駿總制陳雪

諸處直抵高麗而還 故宮祭元妃陳氏及殉難諸忠臣又祭其母大作佛事

哀動三軍按代年事在 旋感疾臨終起坐擊牀連呼先

帝數聲而沒紀年云時乙未 有大星隕海光芒如電聲

甚洪葬時白鶴千羣盤旋數日而去先是舟山破名振

母李氏自縊死庶母范氏赴水死妻馮氏奉其舅木主

赴火死兄諸生名甲觸階死弟左都督名揚被執不屈

死國朝賜諡烈愍紀年云母范氏妻馮氏弟名揚

關門自焚死兄名甲奉木主自焚死不善李氏內姪

職方主事馬呈圖兵部司務貢圖參謀顧民楫

監國紀作明楫

紀年同入太廟題詩有愁魂應傍孝陵歸之句振咤死勝朝殉節諸臣錄云順天人國朝入祀忠義祠

監

軍御史梁隆吉並自刎死部將焦文

紀年作焦文玉

字稚存山

西人官總兵舟山破力戰負傷自刎死妻張氏葬畢亦自刎楊復葵字向昇亦山西人官陸師副將舟山破其標下挾之降投水死計一門三十餘人無一存者

海東逸史卷十三

翁洲老民撰

列傳十

張煌言字玄箸號蒼水鄞縣人刑部員外郎圭章子少時跌踢不羈常負博進錢醉臥社祠中夢神謂之曰君宜自愛他日成大事者君也由是感寤折節讀書崇禎十五年舉鄉試明年下第歸京師陷憤不欲生乙酉閏六月錢肅樂等舉兵移檄會諸鄉老煌言先至卽遣迎魯王於天台授行人至會稽賜進士出身加翰林院編

海東逸史卷十三

一四明叢書
約園刊本

修改兵科給事入典制誥出籌軍旅頗見其優紹興破泛海入舟山道逢富平將軍張名振扈王入閩從之既至招討使鄭成功以前頒詔之隙修寓公之敬於王而不爲用煌言勸名振還石浦謀再舉加右僉都御史自立一營曰平岡軍時黃斌卿守舟山名振以石浦之軍與爲犄角明年春小腆紀年作丙戌四月監國紀同吳淞提督吳勝兆請以所部來歸斌卿不欲往煌言勸名振應之遂監其軍以行抵崇明大風舟覆煌言等皆被執乘閒脫歸已諸將殺斌卿王至舟山煌言以所部入衛拜兵部右

侍郎辛卯八月

紀年作九月
監國紀同

舟山破煌言與名振扈王

再入閩次廈門時滇中已封鄭成功爲延平王軍容甚盛不肯奉王煌言獨以名振之軍爲王衛時時激發諸藩使爲致貢然煌言極推成功之忠嘗曰招討始終爲唐真純臣也成功聞之亦曰侍郎始終爲魯豈與吾異趣哉故成功與煌言所奉不同而其交甚睦癸巳春會名振之師入長江烽火逮金陵江南震動時上游故有宿約而失期不至左次崇明甲午再入長江故誠意伯劉孔昭以軍來會或以孔昭南都亂臣宜絕之煌言曰

海東遺史 卷十三

一四明叢書

約圖刊本

孔昭罪與馬阮等然馬阮再賣浙東而孔昭以操江親兵棲遲海上累年則其心尚可原也明年名振卒遺言以所部歸煌言時王已去監國號通表滇中桂王遣使加煌言左侍郎兼翰林院學士己亥成功與煌言會於天台悉師北上六月成功攻鎮江煌言以偏師薄觀音門乘虛原作應
以意收入江浦會所遣別將以蕪湖降書至乃至蕪湖傳檄郡縣大江南北相率來歸其已下者四府三州二十四縣而成功以累捷又聞江北如破竹謂金陵可且夕下前鋒將余新銳而輕士卒樵蘇四出營壘

一空北師謀知之以輕騎襲破前屯擒新去成功倉猝
移帳諸營瓦解其將甘輝

紀年云海澄人

以馬蹟被擒死之軍

遂大潰竟撤鎮江之師出海煌言歸路已梗乃引舟歸
鄱陽八月七日與楚師遇而兵潰焚舟登陸士卒尙數

百人歷霍山英山度東溪嶺追兵奄至士卒皆竄止一

童一卒從迷失道乃賂土人爲導變服夜行由樅陽湖

出江渡黃湓抵東流之張家灘陸

原作隨以意改

行建德祁門

原諺山据

兩山之中出休寧入嚴州旣而山行自東陽

義烏出天台以達海壖樹齠鳴角散亡復集遣使告敗

海東逸史

卷十三

三

四明叢書

新編刊本

滇中且引咎桂王手敕慰問加煌言兵部尙書兼東閣
大學士命仍奉魯王監國而成功自喪敗之後不能自
振思取臺灣以休士煌言始書挽之謂軍有進寸無退
尺今入臺則將來兩島皆不可守孤天下之望矣成功
不聽王寅春滇中陷五月成功亦卒於臺北安撫使以
書來招煌言煌言復書略言不佞所以百折不回者上
則欲匡扶宗社下則欲保捍桑梓乃因國事之靡寧而
致民生之愈蹙十餘年來海上芻蕘糗糒之供樓櫓舟
航之費敲骨吸髓言之慘然況復重之以遷徙訖以流

離哀我人斯亦已斃止今執事既以保民息兵爲言則
莫苦盡復濱海之民卽以濱海之賦畀我在貴朝既捐
棄地以收人心在不佞亦暫息爭端以俟天命當與執
事從容羊陸之交別求生燬教訓之區於十洲三島間
而沿海藉我外兵以禦他盜是珠厓雖棄休息宜然朝
鮮自存艱貞如故特恐執事之疑且畏耳則請與幕府
約但使殘黎朝還故土不佞卽當夕挂高帆不重困此
一方也十一月魯王薨於金門煌言泣曰孤臣之栖栖
有待徒苦部下相依不去者以吾主上也今何望乎甲

海嶺遺史 卷十三

四四明叢書

約圖傳本

辰六月遂散軍於南田之懸巒

小腆紀年作懸山巒

其地在海中

荒瘠無人山南有汶港可通舟楫而其北爲峭壁煌言

因結茅居之北帥懼終爲患募得其故校以夜半從山

背緣蘿踰嶺而入暗中執之七月十七日至寧波

紀年云十

七日被執越

二日至寧波北帥舉酒屬曰待公久矣煌言曰父死不

能葬國亡不能救死有餘罪今日之事速死而已何必

多言至杭州供帳如上賓自督撫而下無不敬禮之浙

人略守者得覩一面爲幸煌言方巾葛衣終日南面坐

不言不食惟啜水而已見者以爲天神九月七日臨刑

赴市在竹輿中遙望鳳凰山一帶始一言曰好山色因

索筆賦絕命詞數章

行朝錄載其詞云義幟縱橫二十年豈知閔位在于闕禍江空繫嚴

光鈞笠澤難回范蠡船生比鴻毛猶負國死留碧血欲支天忠貞自是孤臣事敢望千秋青史傳國亡家破欲何之西子湖頭有我師日月雙懸于氏墓乾坤半壁岳家詞律將赤手分三席特爲丹心借一枝他日素車東浙路怒濤豈必盡鴟夷何事孤臣竟息機魯戈不復挽斜暉到來晚節慚松柏此去清風笑蒹葭雙鬢難谷五嶽任一帆仍向十洲歸暮山暹死文山早青史他年任是非又明季南略所載二首諸書所無備錄之詩云擲榆一息尚圖存吞炭吞壘可共論復望臣靡與夏視祇憑帝眷答商孫衣冠猶帶雲霞色旌旆仍留日月痕贏得孤臣同頑果也留正氣在乾坤不堪百折播孤臣一望蒼茫九死身獨挽龍筇空問鼎姑留螿螿強當輸謀同曹社非無鬼哭向秦庭那有人可挺立受刑年四十是紅羊剔換劫黃雲白草未曾春

挺立受刑年四十

海東逸史卷十三

五四朝載書

約園刊本

五國朝賜

參軍羅子木僕人楊冠王殉馬子萬祺已先

三日死鎮江子木名綸以字行溧陽人已亥煌言師出

長江子木挾策上謁煌言奇之欲留之幕以父老辭成

功因強其奉父泛海子木至海上不欲參成功軍事奉

父北行將赴煌言軍猝遇北兵格鬪子木墮水得救起

而其父被縛去子木展轉閩南思出奇計以救父逾時

不得音問嘔血幾死復赴煌言軍煌言勉以立功卽爲

報讎遂相依不去竟同死冠玉郭人

海東逸史卷十三

海東逸史卷十四

翁洲老民撰

忠義一

董志寧字幼安鄞縣人歲貢生以名節自勵乙酉六月北兵入浙志寧與同里諸生陸宇燦張夢錫華夏王家勤毛聚奎徧謁搢紳勸以舉義皆笑以爲狂獨刑部員外郎錢肅樂是之顧其事莫能集閏六月八日餘姚兵起明日會稽應之又明日鄞人始會議肅樂獨任之按小
牘紀年餘姚兵起係初九日鄞縣則十二日也而故太僕謝三賓家富耦國適

海東逸史 卷十四

一四 明叢書 一約園刊本

從江上迎降歸惡聞其事定海總兵王之仁亦以迎降得仍舊任者三賓私遺書乞以所部來斬此六狂生當以千金爲壽之仁許之旣而中悔致書肅樂請自效三賓不知也翌日大會演武場之仁出書責三賓令斬以祭纛三賓叩頭乞哀請出家財充餉乃止魯王監國授志寧大理寺評事視師瓜里而三賓亦至以賂結戚曉張國俊驟躋東閣志寧遂棄官歸丙戌六月江干師潰三賓復降時浙地盡陷祇存舟山石浦而航海之軍至長垣連取閩海州縣且逼福州於是北兵之備浙者頗

抽以備閩浙中諸山因復結寨自固志寧與華夏王家
勸及諸生楊文琦楊文瓚屠獻宸董德欽等謀取寧紹
台請府遣使走舟山約黃斌卿又約義旅之在四明者
王翊在東山者李長祥令以兵攻寧波而已翻城應之
復爲三寶所謀知發其事志寧與德欽逸去而五人皆
遇害所謂五君子也魯王至舟山遷志寧兵科都給事
中時時奉使入內地聯絡山寨諸軍以爲海上策應辛
卯九月舟山破自刎明史通鑑輯覽南死國朝賜繼妻
羅氏聞訃仰藥卒子士駿士驥蹈海不返僕文周縞素

終身

華夏字吉甫一字過宜號默農浙江定海人後遷鄞貢
生通樂律少與同里王家勤同受業於倪鴻寶又同學
於黃石齋又同參劉戡山講席杭州破與董志寧等佐
錢肅樂起兵魯王監國授職方郎中點琦亭集云授兵
部司務進職方主
事江干師潰慟哭歸戊子復謀翻城之舉按行朝錄此
舉在丁亥二
月乞師翁洲黃斌卿許之乃歸而其書爲偵者所得降
臣謝三賓證之遂被執當事詰同謀者夏慷慨獨承曰
心腹腎腸肝膽吾同謀也再拷之大呼曰太祖高皇帝

海東逸史 卷十四

二四明叢書 約園刊本

造謀烈皇帝主兵安皇帝主餉其餘甲申乙酉殉節諸
忠范公景文史公可法而下皆可謀也當事利三寶之
財亦誣以同謀令夏引之夏對曰若謝三寶者齷齪鄙
夫反面易行首先送款建義之事何可引之三寶在旁
搏頰以謝夏在獄中鼓琴賦詩如平日絕命時有白光
一縷冲天而去繼妻陸氏名玉辰知例當發遣慮有汗
辱乃結帨於梁引頸就縊帨忽絕復取結之須臾而盡
魯王監國勅州贈簡討門人私諡曰殺烈國朝人祀忠義祠

張夢錫字雲生鄞縣人爲諸生精武事與董志寧等佐

海東遺史

卷十四

一三四明叢書

約園刊本

錢肅樂起兵授兵部司務擢御史江干師潰走結山寨

曰大皎軍庚寅十月小隲紀年北兵至夢錫持長矛出

鬪殺傷略相當眾寡不敵遂死其下五百餘人皆從之

無一降者當戰時有突圍而去者三人翼日有負夢錫

屍葬之大皎之南麓者卽此三人也

王家勤字宙一號石雁鄞縣人小隲紀年爲諸生通經

術三禮俱有論說受業劉宗周之門與董志寧等佐錢

肅樂起兵授大理寺評事江干師潰復謀翻城之舉事

洩被執移獄錢塘累訊瞠目無一語乃殺之門人私諡

忠潔著有靜遠閣集

陸宇燭字周明號贛庵鄞縣人右都御史世科子以諸生與董志寧等佐錢肅樂起兵授監紀推官俄進按察副使仍監軍江干師潰遜歸不出歷十八年復謀舉兵應海上事洩被執死之年五十六鄉人私謚節介

毛聚奎字象來一字文垣自號吞月子鄞縣人貢生與董志寧等佐錢肅樂起兵參瓜里幕務授戶部郎中專司餉事紹興破奔走山海之間累遭名捕行遯得免六狂生之幸得終老牖下者聚奎一人而已

海東逸史 卷十四

四四明叢書
約園刊本

屠獻宸字天生鄞縣人

小腆紀年云定海人

兵部侍郎大山曾孫

以諸生從軍授車駕司

勝朝殉節諸臣錄作兵部職方

主事江上事敗

角巾歸里戊子與華夏等同謀翻城之舉事洩被執死之監國還軍翁洲贈大理寺丞

國朝賜諡烈愍

妻朱氏賢而有文獻宸死賦絕命詞而自經

楊文琦字瑤仲號楚石鄞縣人唐王臨軒以貢生召對

授惠安訓導尋加監紀推官視惠安諸軍闖亡返浙與

華夏等同謀翻城之舉事洩被執不屈死妻沈氏亦自

經監國還軍翁洲贈兵科給事中

國朝人祀忠義祠

楊文瓚字天璧監國時以諸生從軍授職方郎中

小腆紀年

作主

戊子與謀翻城之舉事洩遁去張煌言託以聯絡

中土事自是每歲往來海上不絕癸卯有降卒自海上言文瓚將引海上將趙彪爲患逮至錢塘歎曰吾固願行中漏網也本可死矣賦絕命詞曰憑誰瘞我孤山上魄是梅花鶴是魂遂扼吭而卒

楊文瓚字贊玉號圓石鄞縣人崇禎十二年舉人監國初官御史力言閩浙宜合不宜分時方爭開讀禮多不以爲然文瓚乃入閩又力言當聯絡閩浙以爲同仇不

海東遺史

卷十四

五四明徵書

卷四

當啟爭端唐王然之乃命以掌貴州道扼防建延三關而浙東亡仙霞告急唐王出走乃返故里與華夏等同

謀翻城之舉事洩被執大呼高皇帝不絕而死

國朝賜諡烈愍

妻張氏名玉如工翰墨文瓚死以紉聯其身首一慟幾

絕遂衣其故時衣服題絕命詞一首解所佩帶自縊而絕監國還軍翁洲贈都察院右僉都御史

楊文球字天琅魯王監國授都督府都事翻城事洩二兄皆死乃之閩就閣部劉中藻於福寧令參幕府軍事次年福寧不守死之董德欽字若思鄞縣人

小腆紀年云定海人

兵部侍郎光宏之孫以諸生從軍投監紀推官江干兵
敗乃歸戊子與華夏等同謀事洩被執死之監國遣軍
翁洲贈兵部郎中

倪懋熹字仲晦一字煜生鄞縣人錢肅樂起兵欲哈書
王之仁而難其使懋熹請行事遂定及晝江分守以職
方主事參瓜里軍唐魯爭頒詔之禮越使陳謙入關而
死閩使陸清源入浙亦死議募一能者乃以懋熹往果
稱旨令以僉事分守建寧丙戌北兵來攻出戰力不支
死之時八月十一日也年三十九

海東遺集

卷十四

六

四明叢書

約開明本

徐啟睿字聖思鄞縣人爲諸生負才任氣感憤時事削
髮爲僧聞錢肅樂等舉兵乃破關出投其營魯王授錦
衣衛指揮不拜自稱白衣參軍時江上諸營多首鼠觀
望無一肯發兵者啟睿乃集其麾下百人諭以大義提
劍渡江直薄西岸北兵以爲游騎亦遣裨將禦之啟睿
奮劍直前掩殺遇半城上乃亟出綰師長圍回合遂被
執諭之降大罵乃殺之

趙毅字金城平湖人尙氣節工武略嘗有百足蟲伏其
臥處雖遠出數十里經宿必至毅心竊喜自負謂他

日必能崛起布衣於是人皆呼爲趙百足云乙西南都破北兵至浙江魯王監國於紹興毅然仗劍從之授左營游擊率軍與北兵戰於杭城外飛礮中首首已飛去猶持劍策馬大戰北兵大駭爲少卻毅猶單騎馳逐數里馬蹶墮地乃仆

李桐字封若號侗庵鄞縣人三歲而孤事兩母盡孝爲諸生不屑數行墨甲申之變抗言於諸當事請發義旅以待勤王之舉南都亡呼天大慟遂得疾呼以宗祈死會浙東舉義錢肅樂等強之起乃稍稍進食遣長子文

海東逸史 卷十四

七 四明叢書

約園刊本

景從軍授兵部主事病稍愈明年六月紹興陷哭曰吾今定死矣疾果作遂卒年四十九門人私謚貞愍先生文景與弟文昱葬父畢墨纓赴海上崎嶇軍旅文昱亦授戶部主事辛卯翁洲穴守扈王出海遭風同溺死

路國挺鄞縣志路作駱字天植號寒厓諸暨人僑居鄞生有殊

才江東兵起破家輸餉授職方主事鄞縣志云以奉擁戴魯王菱得貢士

爲降臣謝三寶所惡幾殺之紹興破三寶復降國挺晦迹里居三寶復散流言以激眾怒遂被逮久之得脫貧

困死

李文纘字昭武一字夢公號譽樵鄞縣人錢肅樂起兵
文纘以諸生實先從之授兵部員外郎江干師潰悒鬱
不自得戊子孫翻城之難被訊不爲遜詞在獄中與同
事楊文瓚分賦雁字詩一月之中遂成卷帙明年再訊
再被拷終不屈而華夏力任之乃放歸遨遊四方以老
臨終其子問遺言命取紙筆題曰眾人皆醒非夫也瞑
目而卒所著有春秋經傳纂注鹿溪新語賜隱樓古文
並故佚

杜懋俊字英侯鄞縣人

小腆紀年
云定海人

世居縣東之管江爲

海東逸史

卷十四

八四明叢書

約園刊本

諸生以仗義聞浙東不守日夕痛哭與其叔兆祐及施
邦煥聚眾三千刻期舉事謀洩邏者至懋俊梟其首據
山立寨鳴鼓起事與北兵轉戰三日及寨破懋俊猶以
家丁力戰頭目中矢如蝟倚牆而斃尸屹立不仆者數
日

杜兆祐字承芝爲諸生嘗以兵法部勒族人分隊瞭野
擊柝行夜聞黨賴以安堵沿海諸村亦多做而行之寨
破被執大罵不屈斫其首十二刀而後塗

施邦煥

雪交亭集作玠結埼亭集作仲度雪交亭集
宗煥四明談助云一作宗玠字仲度

鄞縣人諸生故都督僉事翰子其先世亦居管江因以家財佐杜氏募死士事敗拔先世所遺佩刀自刎曰吾不負此刀也

結埼亭集云事敗縱火自焚

時稱管江三烈士

魏耕原名璧字楚白甲申後改名字白衣又名甦號雪竇山人慈谿人以贅壻僑居歸安遂充歸安學博士弟子國亡棄去所交皆當世豪俠茗上起兵亦與焉事敗亡命江湖妻子滿獄弗恤也久之事解乃閉戶爲詩酷嗜李供奉己亥鄭成功兵入長江幾下金陵江南半壁震動知其謀出於耕刊章名捕亡命潛行癸卯又以海

海東逸史卷十四

九四明叢書

約圖刊本

上降卒至語連耕遁入山陰蹤跡得之至錢塘抗詞不屈死於菜市山陰人李達楊遷經營其喪甚力亦以是遣戍先是歸安諸生錢纘曾與耕善耕被執纘曾以兼金賄吏得解孔孟文者險人也從成功軍來有所求於纘曾不屢并怨耕以其蠟書首之故纘曾亦被殺番禺屈大均不可一世獨心折耕詩嘗有詩云平生梁雪竇是我最知音一自斯人死三年不鼓琴

汪涵字叔度號晦溪奉化人諸生從學黃宗羲遂參其軍事浙東失守監國由江門入海涵隨宗羲走四明山

中宗義偶出邏卒至焚寨夜半火起同里出關從烈焰中殺數人已得出歎曰所圖不遂命也不死且自取辱還關而死

張廷綬字雲衢鄞縣人少喜讀兵法善挽強弓舞大刀

補武學生錢肅樂起兵以驍勇署總統陳函耀

對縣志作函輝

此疑起兵台州而以會推留中調度乃以其兵屬之廷

綬奏授都督僉事統所部還鎮台之海門已而閩中大將李唐禧至監國以其宿將使其治軍於台唐禧故金山衛官起兵不克入閩由閩入浙廷綬讓之凡署銜列

海東逸史

卷十四

十四明叢書

約園刊本

座必使居己上而唐禧自以客將每事皆咨廷綬而行大兵入台唐禧謂廷綬曰公當俟陳公消息然兵已逼不如借我早死徒殺士卒無爲也廷綬曰諾各遣其麾下袍笏兀坐營門大兵過其營諭降不屈殺之唐禧亦被殺而廷綬眷屬之從軍者皆死無一存

章有功會稽農夫也浙東建義應募從軍驍銳敢戰以指揮爲前鋒華夏等翻城謀洩大兵急攻東山有功所將五百人皆具兼人勇每戰必勝大兵以全力壓之不支被擒拉脅決齒垂斃猶大罵而死

章欽臣督師孫嘉績部將也以都督司別營火攻事江上破欽臣散軍亡命其後以應山寨諸軍事敗被執死之妻金氏沒入旗下將發遣大罵不屈竟磔之行刑者見氏有姿不無褻語氏罵愈甚刑畢而其人暴死氏遂時時降神東越居民尸祝之

戴爾惠字少峰鄞縣布衣錢肅樂倡義時大會城隍廟爾惠舉手一麾三四千人皆從之相與擁肅樂赴巡按署遂舉事以戰功封義武將軍江干失守遁歸其後山寨大起復出而預之遂一門殉焉

海東逸史卷十五

翁洲老民撰

忠義二

傅巖字野倩義烏人崇禎七年進士授歙縣知縣被讒去官魯王監國擢江西道御史爲朱大典監軍北兵破金華與二子齡發齡熙並死之小腆紀年云巖還至義烏死國朝賜諡節愍子附入初巖之遇禍刃將及齡熙年甫十四以身翼蔽其父刃著於頤而死齡發趨救矢洞右腋移時復甦見父弟已死遂以手抉其創而卒長子齡文從外至得不死

海東逸史卷十五

一四明叢書約圖刊本

乃奉其母歸杭州藜藿不充蓬頭垢面者又十餘年而終

王之拭

勝朝殉節諸臣錄作拭

字瞻御南直武進人甲申殉難忠

臣章子南都不守東走至鄞截江之役監國令以墨線任車駕王事知鄞縣事其制詞曰以汝父之遺愛望厥子之世忠之拭泣而受命蓋章初亦爲鄞縣令也已見江上事不可爲辭去入閩唐王令仍管駕部事而閩事亦壞復返鄞閣部朱大典守金華招之之拭乃爲之練兵於義烏兵敗入山中謀再舉被執勝朝殉節諸臣錄云至永康被執

不屈死之國朝聖

諡忠節

林汝燾字大蕨號心泓福清人萬曆末舉於鄉授沛縣知縣天啟二年以擊白蓮賊徐鴻儒緝妖人王普光等功擢御史巡視京城忤逆聞魏忠賢廷杖削籍崇禎末起廣東瓊州道坐奸民煽亂貶秩歸福王時起雲南僉事小煥紀年云起應沅道已而解職魯王次長垣召爲兵部右侍郎總督義師與員外郎林奎攻取福寧兵敗被執諭降不從繫之除夕吞金屑死國朝賜

林奎字子野號恥齋汝燾同邑人勝朝殉節諸臣錄云侯官人崇禎

海東逸史卷十五

一四明叢書約園刊本

十六年進士授海寧知縣南都亡杭州亦不守營卒乘機乞餉環署大噪奎罪爲首者而如其請以城孤不能

存引去唐王時黃道周小煥紀年云字幼平漳浦人門下士稱石齋先生天啟壬戌進

士歷官至兵吏二部尙書武英殿大學士乙酉十二月婺源敗績被執明年三月至江寧不屈死贈文明伯諡

忠烈國朝督師請與偕行以戶部員外郎司餉改監察

御史往諭浙西行至贛州以典銓缺人召還復改文選

員外郎主銓政殉節諸臣錄云一作左僉都御史奎曰此潤色太平之

事非今日之所急也乃辭去募兵數千人爲鄭芝龍所

阻聞三被殺城痛而返散兵入山制棺一具布衣一襲

書大明孤臣之極以待死及魯王航海至長垣郡邑響
應福清鄉兵請盜爲主盜別其父曰兒當死久矣奉命
守海寧失城池當死扈蹕不終當死豈可再使延命漏
刻以不令之名貽羞父母乎遂直屨負戈雜徒旅中與
汝竊攻取福寧身被數創猶勦兵力戰爲流矢中喉而
死國朝賜諡烈愍友人葉子器者初在營中爲北兵所獲使之
作書招盜子器書所作絕命詞授之亦被殺南疆釋史云二林皆福州人因攻取福清死

俞元良字仲驤

南疆釋史云字毅毅

海寧人崇禎癸未進士魯王

海東逸史卷十五

三四明叢書約圖刊本

監國熊汝霖以數百人襲海寧士民迎之者萬人汝霖
欲擇一人主兵而紳士持論皆首鼠汝霖數陳大義元
良慨然曰此豈公一人之事某焉敢獨後遂以監軍兼
攝海寧縣事及北兵破城與兄元禮同殉節死國朝賜諡元良證

節愍兄附入祠

周宗彝字五重海寧人崇禎十二年舉人少受業於吳
太冲章正宸爲人有膽決尙氣節嘉興之城守也宗彝
亦集里中少年應之魯王授職方員外郎大學士熊汝
霖令守硤石鎮兵潰赴海死國朝入祀忠義祠弟啟琦附妻卜氏與

二妾名朱衣紫衣者並自縊弟啟琦巷戰力竭亦被殺
湯芬字方侯嘉善人勝朝殉節諸臣錄云一作湯人崇禎十六年進

士福王時為史可法監紀推官唐王以為御史尋以福
建參政小腆紀年云魯監國擢是職分守福興泉三府興化城破緋

衣坐堂上被殺民朝賜烈愍

林喟字小眉莆田人由進士為吳江知縣蘇州失歸事

唐王官御史小腆紀年云授給事中復事魯王為吏科給事中勝朝

殉節諸臣錄云一作禮部精膳司員外郎興化破自縊死國朝賜烈愍

都廷諫杭州人官莆田知縣城破死之勝朝殉節諸臣錄云興化破死

海東遺史卷十五

四四明叢書約園刊本

之國朝賜烈愍

洪有文官澄海勝朝殉節諸臣錄南疆釋史並作海澄小腆紀年作漳浦監國紀同知縣

城破死之國朝賜烈愍

鄔正畿字王都南疆釋史云字鴻原永福人官兵科給事中鄭彩

專政棄官歸里居城破賦絕命詞投水死國朝賜烈愍

林逢經字守一永福人以御史里居城破投水死國朝賜烈愍

節愍

王恩及長樂人官御史遷太常按小腆紀年止稱御史未遷是職里居

城破服毒死妻李氏亦死焉諡忠襄國朝改諡節愍

王祈太倉人建寧守將封郎國公建寧破巷戰不勝自

焚死

國朝賜諡烈愍

沈履祥字其旋號復庵慈谿人大學士宸荃從兄也登崇禎十年丁丑進士知侯官甌寧二縣有循績福王時上治安策又上責成疏頗見採納魯藩監國以御史督餉台州城破遜之山中北兵搜山得之被殺於野其弟穀祥往求其屍得其首於桑園得其身於亂屍中以服帶可據也乃紉合而葬之

國朝賜諡節愍

陳世亨官中書舍人爲鄧藩審理以一旅復安固援兵

海東逸史卷十五

五十四明叢書

約園刊本

不繼被執大罵而死

海東逸史卷十六

翁洲老民撰

忠義三

高岱字魯瞻號白浦會稽人崇禎中以武學生舉順天鄉試被黜久之辨復魯王監國授職方主事及紹興失守慨然曰上恩厚矣國家文武異途重文輕武佔隲小生持議廟堂而戮力疆場者指爲臆人以致寇盜充斥不能抗禦神州陸沈職是故也我本武學得授文職偏側搶攘無益毫髮尙不能以一死報國乎劉鼓山吾鄉

海東逸史

卷十六

四明叢書
約園刊本

先生也吾當師之卽絕粒祈死其子諸生朗坐守之閱八日知父意不可回泣拜父前曰兒請先之乃攜巾服泛小舟給舟子出海禱神去岸遠北面再拜躍入海中舟子急挽之齧舟子臂始得下舟子又入水救之捧其巾朗躍出水面正巾而沒岱問之曰兒果能先我乎自是不復言又閱數日而卒

國朝賜諡節愍子附入祠

葉如菴字衡生會稽人崇禎三年舉人魯王監國與同里高岱同授兵部主事每會食相與抵掌言忠孝事紹興破與妻王氏出居桐塢墓所岱送之曰君殆隱於是

乎如菴曰非也我無城守責死於墓耳遂與王氏並赴

水死

國朝賜
諡節愍

王以被救免次日復死之

徐復儀字漢官號雪潭錢塘人

小腆紀年
云上虞人

崇禎癸未進

士福王立授刑部員外郎明年主試雲南行數日而南
都陷歸事魯王加翰林院編修辭曰侍從文墨所以潤
色太平也今戎馬日逼臣不得馳驅疆場爲陛下負弩
矢猥賜臣清燕死無以塞責不報未幾浙東破歸家拜
父母別妻子泣奔蹲山投空谷中虎豹觸之不爲怪一
日大風雨晝晦傳聞兵四合乃曰吾命盡矣遂扼喉死

海東遺史 卷十六

一三四明叢書
約編刊本

紀年云投崖死勝朝殉
節諸臣錄云拒抗死

待旦而父始至持其首而泣目

尙張父曰兒得死所矣乃瞑

國朝賜
諡節愍

唐自綵字西望四川達州籍江寧人崇禎末以貢生官

臨安知縣有循聲杭州失守自綵與姪偕豫逃山中有

言其受魯王敕陰部署爲變者遂被捕獲北帥諭之曰

我知汝賢吏故不加兵行且薦於朝矣自綵曰士各有

志安用相強北帥曰獨不念少妾幼子乎自綵曰大丈夫

豈以子女易大節卒與姪偕死

國朝賜
諡忠節

其妾大呼願

從死亦殺之偕豫字敬子

南疆釋史偕
作附子作之

亦貢生唐王贈

自縊太常寺少卿偕豫太常寺博士

王玉藻字質夫號螺山南直江都人司勳郎納諫子崇禎癸未進士授慈谿知縣有異政甲申國變哀號求死家人勸之乃止南都繼陷與沈宸荃共起兵進御史尋以兵科都給事中往軍前而江上諸帥惡其任事邁往壯氣勃然皆不予餉乃力請還朝在垣中持正又不爲諸臣所喜乃力求罷不許及紹興失守王走海島玉藻仰天大慟躍入池中復爲家人所救得免遂隱居不出終身不鬚髮不改故衣冠一夕忽作絕命詞曰半生辛

海東逸史 卷十六

二三四明叢書
約園刊本

苦泣孤臣賸得乾乾淨淨身四大旣崩神失散這篇草稿付誰人擲筆而逝

小腆紀年云辛卯後歸故鄉以餓死

年六十六玉藻

爲令時首拔童子姚亦方國亡後亦棄衣巾來依玉藻往往無人時師弟相對悲嘯久之成癩疾每一動念疾輒作作則踴躍跣踰繞屋而泣竟以癩死

周元懋字柱礎一字德林鄞縣人文穆公應賓從子以文穆蔭官南京右軍都事工部屯田郎中

原作屯部郎中以意改

知貴州思南府丁艱未赴而京師陷江東建國錢肅樂等招之固辭不出而破家輸餉不吝丙戌六月江上失

守慟哭自沈於水以救得甦乃披髻爲僧日夕縱酒嘔血而卒

周元初字自一號立之文穆公應賓從子文穆無子撫以爲子少負大略所交皆忠義士江東建國蓄家財以輸餉錢肅樂以文穆遺恩奏授郎署不受遂以白紵從軍紹興破行遯深山以死

倪懋楷

結埼亭集作元楷

字端卿與懋熹同族同起江上授大

理寺評事去歸家以不髻髮被執論死下獄其母遣人攜酒入獄飲之醉熟睡盡去其髮醒而禿矣痛哭欲自裁旁人以母命止之得免

海東逸史卷十六

四四明叢書約園刊本

朱養時江陰人官兵部郎中兼禮科給事中舟山破抗

節死

國朝賜諡節愍

董廣生原闕人官御史舟山破自焚死

楊鼎臣字思任鄞縣人官吏部文選司主事舟山破先驅妻子入井乃從之

林瑛

勝朝殉節諸臣錄云一作之瑛

字玉之

南疆釋史作玉英

福建人官吏部

主事同母妻女及壻五人航海入浙壻隨鄭彩去瑛至健跳所母死貧甚妻陳氏及女爲人紉衣給食已而女

死及舟山破瑛與陳氏並自縊

國朝賜諡節愍

江用楫蘇州人官戶部主事舟山破殉節死

國朝賜諡節愍

原闕氏亦自盡

董玄會稽人官禮部祠祭司主事舟山破自縊於學宮

國朝賜諡節愍

張家璧

原闕人官禮部儀制司主事舟山破自投城下

未死被執勸之降不從乃殺之

朱萬年福建人官兵部主事

一云屬方員外郎

舟山破

死之

國朝賜諡節愍

海東逸史卷十六

五四明叢書約園刊本

顧珍長洲人官兵部主事舟山破死之

國朝賜諡節愍

李開國臨水衛人

南疆釋史作臨山衛人

官職方主事舟山破死

之

國朝賜諡節愍

原闕氏亦自縊

顧宗堯長洲人

勝朝殉節諸臣錄一云寧波人

官工部主事舟山破同

母死之

國朝賜諡節愍

顧玠

江中泚

陳所學

顧行

翁健

小旗紀年云顧玠陳所學

山陰人南疆釋史撫遺云陳所學字顧行無江中泚翁健名

並中書舍人舟山破皆

死之

戴仲明鄞縣人官工部營繕所所正舟山破殉節死

賜諡
飾愍

章有期

原闕

人官太醫院院副舟山破自焚死

劉世勳字胤之南直上元人崇禎末以武進士歷官都督僉事助防翁洲黃斌卿不能用監國駐師進安洋將軍辛卯八月大兵分道下舟山張名振奉王出海而世勳城守世勳料簡城中步卒尙有五千麾下死士五百居民助之乘城而守大兵屢攻屢卻乃益兵攻之城陷世勳朝服北面望海拜謝自刎而死

國朝賜諡烈愍

王朝相大興人官錦衣指揮舟山破護元妃陳氏貴嬪

海東逸史 卷十六

六四明叢書

一約園刊本

張氏義陽王妃杜氏入井用巨石覆之卽自刎其旁

國朝

賜諡
烈愍

劉朝

原闕

人內官監太監舟山破視宮眷入井畢卽自

刎其旁

海東逸史卷十六

海東逸史卷十七

翁洲耆民撰

忠義四

張榘字子隆號四岑鄞縣布衣性坦率敦倫紀國變後日咄咄會鬻髮令下閉戶坐室中取酒獨酌摩其頂而歎曰彼曲局者惡可以兵之乎乃往竈下得炭滿甕和以木屑置牀下熱之投身其上覆以重衿時方盛暑俄頃酒力墳盈而絕昇屍出已紺色矣丙戌六月二十日也

海東逸史 卷十七

一四明叢書
約園刊本

倪文徵字舜平山陰人以布衣爲蒙師兼通醫術紹興破市酒肴飲里中少年求辦一事有諾之者偕至墓所命掘坎自瘞眾駭欲散文徵恚甚曰此何事可誤我乎或尼之曰死義也今某某等皆不死汝一醫生何自苦文徵曰人各行其志惟諸公玉予於成也一人曰豈可使土親膚乎以二缸贈之埋於坎中文徵跣坐其內命覆之封其隙眾環坐竊聽微聞其聲逾三時而寂

國朝人祀

忠義
祠

朱瑋

小腆紀年作瑋

字鴻儒山陰人諸生

南疆紀史稱布衣

北兵至浙

避家梅里尖江上師潰人皆竄伏瑋痛哭不已曰此日
而生全歸之謂何乃書絕命詞二語於几上潛往礁石
躍水死家人徧覓不得見遺語始知其赴難也年甫二

十四

國朝入祀
忠義祠

鄒欽光瑞安人諸生

明季南潞光作堯字
律時承嘉人郡庠生

紹興破溺死

國朝入祀
忠義祠

鄒之琦永嘉人諸生紹興破投水死

國朝入祀
忠義祠

張君正浦江人諸生郡城破自縊於明倫堂

國朝入祀
忠義祠

傅日炯字中貢諸暨人爲諸生與其族父平公同受業

海東逸史 卷十七

一四明叢書
一約園刊本

劉宗周之門江干師潰兩人相謂曰吾輩義固當死然
俱有老母在亦惟白於老母許死則死耳平公白於母
不許日炯白於母許之遂赴湄池死平公乃養日炯母

終身

國朝賜日炯
入祀忠義祠

趙景麟鄞縣人諸生

明史作
布衣

寓居紹興江上師潰整巾

服懷所作文走謁文廟拜先聖畢赴泮池死

鄞縣志趙
景麟字天

生蓋一人無赴泮池事小腆紀
年云投泮池不死後絕食死

趙天生鄞縣人爲諸生有節概丙戌六月江上失守題

詩案上曰書生不律難驅敵何處秦庭可惜兵只有東

津橋下水西流直接汨羅清竟往城東躍入江水漁人
救之昇還不食不語乃強輿入太白山欲令食不可則
爲謬語以慰之或曰李侍郎長祚克紹興矣或曰翁洲
大將黃斌卿將奉監國來恢復矣或曰石浦大將張名
振奇捷矣或曰四明山寨下慈谿矣天生聞之卽進食
如是者半年謬語漸窮而天生病亦稍愈聞出山中問
樵子輩以近事則循髮示之曰天下大定更何問焉天
生大慟踏地更不復食竟餓死鄉人私謚節愍先生

國朝
義祠
入祀忠

周西字方人定海衛人丙戌六月紹興破年僅二十六
也歎曰楊鐵崖稱老寡婦今其時矣遂棄舉業訓蒙養
母所著詩古文曰痛定集嘗與友人書曰今日所斷不
可當者妄欲以義士自欺也夫何地非我朝之士何人
非我朝之民又何倉庾非我朝之粟不必爲首陽頑民
以自表異也所謂義士者當爲蹈海之魯連爭帝暴秦
奮臂之陳涉特起發難張良之報讎翟義之討賊賂寶
王之草檄謝枋得之卻聘而死否則如陳咸之閉戶不
出梅福之逃吳門爲市卒陶潛之終身爲晉處士此雖

不得志於今亦當知重於後而我皆未能也其敢侈談
義士乎此書蓋其自道云

張成義字能信慈谿人有異材爲諸生受業劉宗周之
門江干師潰起兵不克行遯不返莫知所終

趙甸字禹功會稽人少極貧學游以養親藝絕工時稱
爲趙孝子長游劉宗周之門得其學丙戌後有高節隱
於緇時賣畫以自給世所稱壁原闕二字士畫者也晚講學
偃山卽宗周少時讀書地

葉尙高字而立樂清人温州府學生亂後佯狂幅巾大

海東逸史卷十七

四四明叢書
一約園刊本

袖行於市太守見而執之賦詩云北風袖大惹寒涼惱
殺溫州刺史腸何似蜉蝣易生死得全楚楚好衣裳太
守釋之不問丁亥二月上丁攜水一杯采芹一束乘太
守未釋奠哭於孔子之庭曰吾師乎吾師乎縱泰山之
已頽曾林放之不如乎太守至怒繫之獄迨五月四日
語獄卒曰詰朝屈大夫沈湘之日吾其死夫俾具湯沐
至明自經明季南略云字而栗永嘉縣學生獄中相止
氣歌有未吞蒲酒心先醉不浴蘭湯骨已香
之句飲藥
痛罵死

朱錫齡字元序上海人諸生己酉松江破偕華亭蕭賓

侯渡海而南寓舟山僧寺舟山破死之

婁文煥字長明象山人諸生

監國紀作貢生

舟山破痛哭具衣

冠別親族拱坐海邊沙上潮至隨水湧去越數日其屍復隨潮至顏色如生遠近驚以爲神張名振在石浦聞

之來臨哭焉

國朝入祀忠義祠

林世英福建人諸生舟山破殉節死

國朝入祀忠義祠

陳瑞芝定海人諸生北兵圍舟山其母李氏夔也密紉衣上下連爲一曰吾苦節十餘年不可使人見吾體及城陷卽躍入井中死瑞芝倉皇自外至聞母死亦自縊

海東逸史 卷十七

五四明叢書

約園刊本

李年三十六瑞芝甫十七也

周容字茂三號鄖山鄖縣人爲諸生受知黃宗義能詩

善書畫滄桑之際嘗渡蛟門脫友人之厄幾死不悔足

跡徧天下所至皆有詩康熙己未歲有欲以博學鴻詞

薦者歎曰吾雖周容實商容也遂止所著有春酒堂集

朱金芝字漢生

甬上續耆舊傳云一字曉庵

鄞縣人少從黃道周游

得其易學甲申之變方在北都削髮南歸自號忍辱道

人流滯白門又遭兵禍遂往來英霍諸山寨及太湖軍

中幾死者數矣旣知海上之局始返里門亦牽連被捕

亡命深山久之喟然嘆被長往或云直抵辰沅客中湘

王幕中湘殉節

按小腆紀年何騰蛟湘潭殉節贈中湘王諡忠烈

不知所終或

云曾入滇中崎嶇屢從卒死王事或云投鄖陽山中爲道士不可得而詳也所著詩集二十餘種皆散佚不傳紀五昌字衷文鄞縣人性倜儻不欲以經生自位置所與游多奇才劔客受業錢肅樂之門肅樂航海死於閩家人不知五昌所在月餘而返乃知爲哭肅樂入聞也卜居太白山中足跡不入城市自言年六十二當終已而果然

趙自新字我完太倉人四歲失足墮井家人引縵出之無怖色年十一從父觀射飛矢中股醫者治之出鏃色不變喪母家貧身執廝養役而勤學弗輟崇禎十二年舉於鄉父老思就祿養十六年需次京邸忽心痛遂歸父果病劇乙酉詣州守請給僧牒微服出行祝髮於松江之會龍庵旋隱嘉定之封家村旣而有謝姓者告以應舟山之招自新謝之及事洩逮者至門自新與弟方弈徐斂手就縛曰吾久辦此矣械至松江絕食數日不死復械至江寧時主讖者爲洪承疇自新昂身對曰

身爲故國遺民豈嘗須臾忘死哉顧有志無其事徒負
虛名竊用爲媿復鞠謝姓者卒無實得釋歸旬日卒年
五十三臨終謂其子曰吾生無益於世歿後題墓石曰
明鄉進士憤道僧趙某願足矣著作甚多陳瑚陸世儀
皆其弟子

海東逸史卷十八

翁洲老民撰

遺民

子穎字穎長號九瀛金壇人崇禎四年進士由工部員外郎歷知順德西安二府罷歸福王立起知紹興府分巡寧紹台道南都亡北兵至杭穎密募兵舉義北帥使人以榜至穎執之禁其榜鳴鼓會眾誓於都亭以五百人夜赴固陵北兵在西岸未之知也乃衝潮徑渡盡驅西岸之船而東至中流北兵始知之無所得船穎軍上

海東逸史 卷十八

一四明叢書

約園刊本

東岸大噪遂畫江而守一軍扼潭頭一軍扼橋司一軍扼海門一軍扼七條沙北兵拽內河船百餘江干又紮木排填土擬東渡穎復遣死士沈其舟會西北風起木排飄向東岸各營得句致以爲用穎謂諸將曰杭已有重兵攻之不易莫若於下流由橋司入海寧出海鹽以通震澤上流由潭頭入富陽通餘杭以扼獨松關昨聞海寧兵已起而富陽尙爲北人所據不可坐視乃遣人夜襲之遂通餘杭之道於是方國安得駐七條沙江干立國北兵所以不能遽渡者以穎之取富陽也魯王至

越擢按察使行巡撫事尋進右僉都御史督師當是時
正兵義兵爭地爭餉內外交訖頴以守土臣悉力支拄
而方王諸將終惡之三疏乞休不許丙戌六月北兵至
列戍皆潰王航海去頴扈從不及乃由海道還京口黃
冠以終

林時對字殿鵬號蘭庵鄞縣人崇禎十三年進士年未
冠也授行人性格淡嘗曰士人若愛一錢卽不值一錢

丁艱歸福王立起吏科都給事中

甬上續耆舊傳云福王監國召爲御史鄞

縣志據莊元辰奏疏亦從御史

爲阮大鍼所惡罷歸魯王監國遷太常

海東逸史卷十八 一四明叢書 約園刊本

寺卿佐孫嘉績幕事力主渡江熊汝霖之下海寧時對
實贊之擢都察院右僉都御史逾年而紹興陷遂歸又
十八年而卒所著蘭庵逸史皆紀國難事

李長祥字研齋四川達州人生而神采英毅喜談兵是
時獻賊縱橫蜀中長祥練鄉勇躬擐甲冑以助城守賊
中皆知其名崇禎癸未成進士授庶吉士同里薛國觀
方爲首輔欲引爲私人拒之京師陷南奔改監察御史
巡浙鹽而南都又覆乃起兵浙東魯王加右僉都御史
督師西行而七條沙之兵又潰王浮海長祥以餘眾結

寨上虞之東山時浙東諸寨林立願無所得餉四出募
輸居民苦之獨長祥與張煌言王翊且屯且耕井邑不
擾戊子監軍華夏爲長祥聯絡布置請引翁洲之兵合
諸寨以下西陵議奉長祥爲盟主刻期將集而降臣謝
三賓告之大兵急攻東山長祥匿句人舟中遁至奉化
依王朝先朝先亦蜀人得其資助由健跳所入舟山加
兵部左侍郎兼官如故辛卯舟山破亡命江淮閒大兵
得之京口安置江寧羈守之長祥忽娶一妾朝夕甚昵
守者謂長祥有所戀矣稍懈而長祥竟遁去由吳門渡

海東逸史

卷十八

二四明叢書
約園刊本

秦郵走河北徧歷宣府大同復南下百粵與屈大均處
者久之天下大定始居毘陵築讀易臺以老焉著有天

問閣

原闕

四卷

黃宗羲字太沖號梨洲餘姚人忠端公尊素子爲諸生
受業劉宗周學行醇備家禍國難備嘗艱苦北兵入浙
孫嘉績熊汝霖等以一旅之師畫江而守宗羲亦合子
弟數百人隨諸軍於江上人呼之曰世忠營授職方主
事改御史總兵陳梧自嘉興之乍浦浮海至餘姚大掠
職方主事王正中署縣事集民兵擊殺之亂兵大噪有

欲罷正中以安諸營者宗義曰借喪亂以濟其私致干
眾怒是賊也正中守土卽當爲國保民何罪之有尋以
宗義所作監國魯元年大統曆頒之浙東馬士英在方
國安營欲入朝朝臣皆言其當殺熊汝霖曰此非殺士
英時也宗義曰諸臣力不能殺耳春秋之孔子豈能加
於陳恆但不得謂其不當殺也汝霖謝焉又謂諸將曰
諸公何不乘機決戰由赭山直趨浙西而日於江上放
船鳴鼓攻其有備蓋意在自守也然鼓爾三府以供十
萬之眾一年之後恐不能支聞者皆是之而不能用張

海東通史

卷十八

四四明叢書

約園刊本

國柱之浮海至也諸營大震廷議欲以伯爵餌之宗義
曰若是則獎亂也何以待後乃署爲勝虜將軍始去與
太僕陳潛夫尙寶朱大定主事吳乃武查繼佐及正中
等謀會師由海寧以取海鹽因入太湖以招吳中豪傑
而江上師潰乃入四明山結寨自固己丑聞王在海
上乃與都御史方端士赴之擢右僉都御史進左副都
時方發使拜山寨諸營官爵宗義言諸營之強莫如王翊
其乃心王室亦莫如翊諸營文臣輒自稱都御史侍郎
武臣自稱都督其不自張大亦莫如翊宜優其爵使之

總臨諸營以捍海上遂拜朔右僉都御史而是時諸帥之悍甚於方王宗義既失兵日與尙書吳鍾巒坐船中講學而已是冬命澄波將軍阮美使日本以兵部右侍郎馮京第及宗羲監其軍以行至長崎島不得要領而還久之以母老乞歸

黃宗炎字晦木一字立谿人稱鷓鴣先生餘姚人忠端公次子崇禎中貢生畫江之役兄弟步迎監國事敗入四明參馮侍郎京第軍事馮軍敗隱於白雲莊亂定游石門海昌閒賣畫自給畫宗小李將軍趙千里工繆篆

海東逸史 卷十八

五四明叢書
約圖刊本

又善製硯所著有周易象詞尋門餘論易圖辨惑諸書陳希友字孝兼長樂人舉人官兵科給事中鄭彩殺熊汝霖特疏參之不納知不爲彩所容乃繳印披鬚去

熊曰繪字遜木黃州人督師文燦子官兵科給事中與同僚陳希友同劾鄭彩草疏送督臣錢肅樂肅樂浩歎勸其火之曰繪大慟竟自去嘗有詩云一身如洗惟存髮兩手無成賸有心

任廷貴籍貫未詳官太常卿舟山破從王航海至廈門尋至金門壬辰九月奉命北上至北茭洋舟覆得救遂

鬚髮爲僧有詩云還將不二證西歸未遂黃冠卽衲衣
力任四十餘年事癡擔六十七年非翩翩野鶴隨雲適
點點寒梅鬪雪霏勘破瞿然成正覺澄潭明月自相依
蓋亦志節士也

沈崇瑜字宇昆慈谿人大學士宸荃族弟崇禎十六年
進士授金壇知縣其父手書忠君愛國勿玷清白家聲
十字付之魯王監國擢兵部主事紹興破棄官耕於野
順治庚寅黃陂王爾祿爲巡海道以同年生屏車騎至
海濱訪之崇瑜稱病不起爾祿徘徊門外久之乃長歎
而去

海東逸史 卷十八

一六四明叢書
約圖刊本

周齊曾字思沂鄞縣人崇禎十六年進士授廣東順德
知縣邑故多盜齊曾捕得其魁置之辟向之爲逋逃主
者乃中以飛語遂罷歸魯王監國起給事中紹興破痛
哭入山結茅爲庵託於禪以自晦更號囊雲裹足不入
城市順治庚寅王爾祿爲巡海道以同年誼屢致書冀
其一見終不至所著詩文清高曠逸絕去煙火沒後鄉
人欽其高風私諡曰貞靖先生

高宇泰字元發又字虞尊號蕪庵鄞縣人父斗樞官陝

西巡撫

鄞縣志云以斗樞爲漢中巡撫未到任

宇泰少負才名乙酉六月

從錢肅樂等起兵監國手諭獎之謂不媿江東喬木授

兵部武選員外郎尋以奉使過里門而江上陷時斗樞

尙在陝

鄞縣志云六月之役斗樞尙在鄞

而陝已內附乃開道來歸父

子並豫海上事丙戌冬蠟書自海至諜者得之

四字据鮎崎亭

集

補遂首被捕戊子夏華王事洩再被囚繫辛卯幾復株

累僅而得免壬寅之逮尤爲震撼雖幸得保而家已破

矣所著有雪交亭集雪交亭者張肯堂翁洲所寓也宇

泰愛之故取以名其集

海東逸史 卷十八

七

四明叢書

約園刊本

盧若騰字閑之號牧舟福建同安人崇禎庚辰進士召

對稱旨卽授寧紹台道僉事別奸弊抑勢豪風裁凜然

與寧波知府陸自嶽平奉化姦民胡乘龍之亂閩井晏

然京師旣陷南都命以都御史撫鳳陽未行而南都又

亡閩中拜兵部尙書撫軍永嘉甫至而事勢已瓦解徘徊

鎮下關浮海至翁洲閒行入大蘭諸山寨父老壺漿

上謁若騰垂涕而遣之及海上之局一時同袍澤者並

極莫逆諸人淪喪殆盡獨與張煌言同事最久竟依鄭

氏以終

沈文光

鄞縣志
作光文

字文開號斯庵鄞縣人以明經貢太學

豫於畫江之役授太常博士浮海至長垣再豫琅江諸
軍事擢工部郎中閩師潰而北扈從不及聞粵中方舉
事乃走肇慶遷太僕寺少卿由潮陽航海抵金門當事
以書幣招之文光焚書返幣及鄭成功克臺灣遂依之
以終所著詩文甚多皆賦臺灣風景

朱憲宗一作顯宗字闔生崑山人以歲貢授丹陽訓導
丁內艱歸福王時起補衢州府西安訓導南都陷逃兵
敗將所至蹂躪而衢當其衝魯王命西安令守衢而以

海東逸史 卷十八

八四明叢書

約園刊本

憲宗攝縣事撫輯兵民勞績甚著明年授監軍理刑專
司餉事轉餉開化北兵至被執諭之降不從殺五弁相
脅終不動械致金陵意必死矣有故交以百口保之者
放還開化時衢猶未下守將知憲宗不屈而還請其事
憲宗謝以病衢兵復開化強之安撫甫三日而衢破遂
歸久之卒於家

徐桐字古木嘉興人有膂力善射挽兩石弓百發百中
工擊劍能飛斬人頭百步外通詩古文詞人目爲文武
才經興建國當事薦爲游擊將軍率軍守嘉禾城破遂

入太湖後鬻染爲僧號木頭陀以岐黃術終其身

馮元颺字沛祖慈谿人天津巡撫元颺兵部尙書元颺

弟以五經中崇禎十六年進士死於海外年三十二

董守諭字次公浙江通志父世登性至孝工詩爲諸生有名

而上音舊傳守諭秉資耿介不俯同流俗浙江志少受業於黃道

周講學大滌山中全祖望學讀書討古窮極幽遠浙江志倪

元潞見其文大稱賞之題詞天啟四年舉於鄉與翁鴻業

姜思睿齊名所謂浙東三俊也南疆釋史七試南宮不第而

學日進名日盛東江初建尙書李白春薦守諭授戶部

海東逸史卷十八

九四明叢書

約園刊本

貴州司主事續者舊傳時分饒分地之議起分饒者以孫嘉

績熊汝霖之師謂之義兵食義饒以方國安王之仁之

師謂之正兵食正饒正饒田賦所出義饒勸分無名之

征也分地者某正兵支某邑正饒某義兵支某邑義饒

也魯王令會議方王司饒者皆至殿陛譁然魯紀守諭

厲聲進曰公等今日所爲何事而不爲咫尺天威地乎

乃面奏分饒分地非也當以一切正供悉歸戶部覈兵

而後酌給之所謂義饒者雖有其名不可爲繼是散遣

義兵之別名王以爲然黃宗義撰墓志方王諸將不可戶部主

事邵之詹乃調停之卒從原議守諭歎曰江上從此潰

矣

續者舊傳

無何王之仁請稅漁舟守諭謂其客曰今日所

恃者人心耳料

謹案續音舊傳作料

及漁舟其細已甚民弗堪也

之仁又請塞鄞之萬金湖爲田又請行稅人法又請官

賣大戶祀田三疏既上兵士抽刃守諭門以待覆守諭

疏言湖不可塞祀田不可官賣稅人必至激變之仁大

怒謂行朝大臣尙不敢裁量幕府何物豎儒乃爾事事

中格乎上言得孟軻百不如得商鞅一得談仁講義之

徒百不如得雞鳴狗盜之雄一遂折筭召守諭王雖惜

海東逸史卷十八

十四明叢書

約園刊本

守諭不能爲力陰使避之守諭慷慨對曰命吏生死聽

於主上非之仁所能專臣歸死上前之仁能以臣血濺

丹墀則可舉朝忿忿皆言若之仁殺饜司直反耳何名

義師之仁亦迫於大義而止丙戌三月十九日思宗大

祥廷議寂然

墓志

守諭乃上疏曰臣聞忠孝節義由於朝

廷之激厲濡忍偷安由於志氣之卑昏故舉一事而能

令臣民上下有悲憤振肅之狀動一念而能令天地祖

宗有式靈威格之忱萃渙合離全藉此道設人主於終

天大恨置之若遺履之若忘則士氣不作士氣不作則

兵氣不揚無論無以恢復亦無以立國也臣痛憶先帝
焦勞十七載無一日不思治求賢無一日不籌兵辦寇
奈庸臣誤國頓遭千古未有之慘凡有血性忍忘先帝
身殉社稷之烈乎臣去年窮居值此時日北望一哭幾
絕痛恨南都臣子若遺若忘何怪忠孝節義掃地殆盡
也今臣覩顏部曹皆先帝培養之餘澤驚心歲月當遺
弓抱恨之春秋遊魂未返陵寢安存真一回思之一斷
腸矣宋高宗每正月朔日率百官遙拜二帝不受朝賀
今主上仁孝性成百倍高宗刻刻不忘報仇則刻刻不

忘先帝刻刻不忘恢復則刻刻不忘三月十九日今年
是日卽魯監國元年追思泣血之首一日也臣請躬率
臣民徧諭各藩軍士縞素哭祭每歲定以爲制使人人
切齒怒號庶君父大倫從此振起然後吳穹悔禍神人
共助報不其戴天之仇而建中興復古之烈也王著禮
部傳示速爲舉行雨東正氣集杭人陸培王道焜並殉節廷
議賜諡不及道焜守諭爭曰兩人同死何由分其優劣
豈以道焜非進士乎今進士而賣國者累累也道焜乃
得諡節愍王累欲遷守諭官而難於代者命兼經筵日

講江東內附

墓志

守諭遂行漚江許朝夕涕洟有慰之者

輒告之曰吾不能與汪長源陳木叔同逝尙何顏立人

世其爲詩歌徧哭所知之死國者淋漓悲悽令人不能

自勝是時海上未靖柳車從亡日在島嶼之閩守諭不

惜傾家助之以是盡落其所有

續者舊傳

一日翁洲破相國

張肯堂之孫俘入欲還里無有爲之保者守諭曰此吾

事也入言於監司守諭之干涉當道者惟此而已

墓志

年困守一廬苦心易學聚古今言易數十家攷其異同

有得卽鈔之積以成帙

曹志

甲辰卒年六十九縣令張幼

海東逸史

卷十八

十二四明叢書

約園刊本

學赴帛歎曰名可得聞身不可得見也

續者舊傳

子道權謹据

鄞縣志補

王正中字仲攜直隸保定人登丁丑進士第未謁選索

游於高唐州守以爲銀杠旦晚是敵物不如以此齷城

免士女屠戮流離之苦立要約使與議者押字仲攜與

焉事平轉運者上失物狀於是逮高唐守及仲攜諭死

繫獄數年刑科給事中李靖理而出之降補揚州照磨

移知長興縣國變後失官避地於紹興截江時以兵部

職方司主事攝餘姚縣事是時公私赤立剽奪爲豪市

魁里正朝得劄付一紙暮便入民舍根括金帛係僮丁壯郡縣不敢向問爲某營也仲撈設兵彈壓各營取饌必使經由於縣品覈資產裁量以應之非是則爲盜賊編兵陳楷敗於橋李渡海至姚鹵掠鄉聚仲撈遣兵擊之鄉聚相犄角殺楷行在忌仲撈者以此聲討黃宗羲上疏救之乃止張國柱劫定海列船江上入城牢搜者二千人仲撈攔止國柱終不得志而去田仰荆本徹先後過姚皆帖帖俯首不驚雞犬陸監察御史尙寶寺卿朱大定太僕寺卿陳潛夫兵部主事吳乃武皆從浙西

海東通史 卷十八

十三四明叢書

約園刊本

來受約束仲撈短小精悍好讀實用之書其言星象則從閩人柯仲炯於獄中受之行在初建進宗羲所著監國魯元年大統曆又累受宗羲所註授時曆及律呂壬遁皆能有所發明丁未八月十九日卒年六十九權厝於山陰之陳常堰所著周易註若干卷律書詳註一卷

子三捷

謹掘黃宗羲
撰墓表補

章正宸字羽侯會稽人從學同里劉宗周有學行舉崇禎四年進士由庶吉士改禮科給事中疏請帝法周孔仁義黜管商富強則太平可坐致報聞禮部侍郎王應

熊者溫體仁私人也廷推閣臣望輕不得與帝特命入閣輔政正宸上言應熊見擯廷推何緣特簡今事因多擾變以刻成綜核傷察宜存渾厚奈何復使很傲之人與贊平明之治哉因力詆其狼籍封靡請寢前命帝大怒下獄拷訊御史米助國金光辰龔廷獻給事中范淑泰吳麟徵傅朝佑論救皆不聽竟削籍歸九年冬有詔起廢召爲戶科給事中正宸因言起廢旨屢下而與臣同列名若詞臣劉必達楊世芳等已死乞救所司速舉帝納之藥廠災壞公私廬舍無算正宸言火於五德爲

禮禮教不修火災乃見陛下臨御初未以沽名市德疑大臣頃大臣救鄭三俊錢謙益忽爲是言是一無禮也史輩下吏疏辨抵稱時局思箝眾口又一無禮也朝廷每一番令甲輒增一番私營如吏部郎張樞芳以不謹被黜巧借城工復職非陳啟新任怨鈔參則考功之法可以金錢贖矣又一無禮也災異頻仍聖心憂憫而戶部主事李鳳鳴謂善言不可退災星亦一無禮也帝是其言時廠衛務羅織人罪而巡撫武弁從而效之正宸言京師死刑視四方獨多其處決視四方又獨速請申

飭廠衛巡捕官帝令司巡捕者回奏氣勢稍衰十四年
屢遷吏科都給事中周延儒再相中外仰望丰采而門
多雜賓正宸其門生也獨不肯附會十五年正旦朝會
帝進延儒等揖之待以師傅禮正宸因言陛下隆禮閣
臣閣臣宜積誠以格君心不與中官作緣不憑恩怨起
見不以寵利居成功不以爵祿私親暱語皆風延儒及
宣大缺總督延儒欲用宣府巡撫江禹緒正宸持不可
吏部希延儒指用之正宸復劾其行賄事帝不納延儒
欲起江陵知縣史調元正宸止之延儒再召頗得馮銓

力欲以守涿功復其冠帶正宸與金光辰力爭事遂寢
尋詆兵部尙書陳新甲奸邪薦李繼貞李邦華史可法
孫傳庭可代及松山師覆請先正中樞破壞之律然後
正行閒失陷之條新甲遂獲罪旣而會推閣臣失帝意
謫戍均州福王立召復故官疏請亟檄四鎮分渡河淮
與江北山東協力互爲聲援且請縞素率師駐蹕淮上
時不能用內傳用張有譽爲戶部尙書正宸以有譽雖
有望而中旨不宜出抗疏力爭有譽卒以廷推用魏國
公徐宏基等公疏薦張捷命下部議并議前戶部主事

鄒之麟前御史張孫振劉光斗起用正宸分別論諸人稍寬捷而力詆之麟孫振光斗馬士英不悅擬諭詰責回奏上獲免尋以安遠侯柳祚昌薦起用阮大鍼正宸又力爭且曰朝廷如此舉動邸報流傳見臣姓名尙挂仕版必相顧駭愕謂負掖垣職掌萬死何辭乞先放臣歸里士英輩忌正宸居言路遂用爲大理寺丞已見國事曰非請假歸魯王監國起吏部左侍郎不受仍署舊官事敗棄家爲僧不知所之

謹據王鴻緒撰明史彙補

朱之瑜字楚暉至海外復字魯暉又號舜水餘姚人少

海東遺史 卷十八

十六 四明叢書 約園刊本

伉爽有志概有持譜獻者謂朱文公子爲餘姚令家於此族人欲附之之瑜曰中有一世訛脫卽難徵信且人貴自立不必攀附紫陽也寄籍松江成諸生提學御史元某以才備文武上諸禮部癸未甲申兩奉徵辟明社旣屋福王建號江南總兵方國安薦授江西按察副使兼兵部職方司郎中監國安軍馬士英方用事遣私人周某偕同邑何進士東平招之之瑜念方馬終誤大計力辭臺省劾偃蹇不奉詔將逮捕會南都亡遂解黃斌卿奉表闔中勸進唐王加斌卿肅虜伯鎮舟山之瑜往

位焉於斌卿強悍不法數有所救正承制授昌國知縣
又表授監察御史管理屯田事務聘軍前贊畫均不應
御史馮京第之自湖州軍破也閔闕入四明王職方劾
軍中時內地單弱欲藉海外之師爲響應京第勸斌卿
乞師日本斌卿因命弟孝卿副京第往之瑜從之撤斯
瑪王許發罪人三千及洪武錢數十萬京第先歸之瑜
留而師不果出己丑魯王駐舟山安洋將軍劉世勳疏
薦監紀推官吏部擬兵科給事中改吏科時禮部尙書
吳鍾繼扈王兼督學政以開國第一人薦將授翰林院

海東逸史卷十八

十七 四明鼓書
約圖刊本

官先後力辭王翊之朝王也見之瑜恨晚舉孝廉辭辛
卯舟山陷飄泊海島轉徙日本交趾暹羅開甲午徵還
敕書達交趾焚香開讀東望涕零戊戌赴廈門朝王不
果己亥朝王金門時朱成功張煌言會師入長江之瑜
主建威伯馬信營信台州副將降於張名振者也名振
死以兵屬成功與忠靖伯陳輝之瑜常往來兩軍間克
瓜州下鎮江皆親歷行陣未幾事敗益徬徨無所向返
日本日本人安東守約周給之丁未水戶藩侯源光國
爲築第駒籠別莊造膝訪道東國未有學者學宮圖說

依以創造凡古升古尺蠶豆籩鋼之屬咸備又命俊秀子弟從受釋奠禮己酉年七十辭歸不聽饗之後樂園以屏風爲壽繪東國及中華耆德六人則武內宿禰藤原在衡藤原俊成太公望桓榮文彥博也已未年八十致祝如初壬戌四月十七日卒年八十三光國遣世子綱條臨喪葬常陸久慈郡大田鄉瑞龍山諡曰文恭構祠堂駒籠別莊親製文誄之之瑜生八歲而孤伯兄啟明天啟乙丑武進士南京神武營總兵都督同知以忤閹削職特旨昭雪授漕運總督國變未赴任行由總兵

幼歸國朝強起之不可後以老壽卒仲兄之瑾諸生弱冠卽天之瑜在日本苦蚊有勸幃以紗廚者謝曰先世葬域兵後恐遭蹂躪輾轉思維不敢身處安逸耳凡中華人來必泣問伯兄近狀娶葉氏生子元模元楷繼娶陳氏生女高字柔端元模屢省父交趾廈門辛丑歿於海外元楷隱居教授己酉卒柔端六歲喪母年十二遭世亂卽佩刃自防字何東平子鬱鬱未嫁而亡之瑜篤於友誼初以詩受知於張國維朝列相知者陳函輝張肯堂同縣則鄒元實斗東葉大受陳遵之族子錦尤與

王翊吳鍾巒朱永祐契之瑜之返日本也諸將留之張
煌言挽之尤力之瑜以海濱無田可耕坐而糜餉有負
本志遂行初交阯王檄取通曉中華文字者被攝至不
拜王怒錮禁之繼知不可屈遺書有太公佐周而周王
陳平在漢而漢興語答曰天禍明室不佞逃遁貴邦苟
全性命如欲委質他國皇天后土實鑒此心儻異日者
瑜藉大王之靈過歸桑梓當舉貴國攜貳之端昌言於
朝使聖主明見萬里貴國得世守藩維歲貢終王寧不
賢於瑜之竭蹶貴邦哉乃縱之歸之瑜問學賅博少從

海東逸史卷十八

十九四朝叢書
約園刊本

業慈谿李契元有詩數十篇附刻姚江詩存文集二十
八卷皆海外所作日本正德二年源綱條刻之有安東
守約序日本高弟何守約子安積覺又令井將興

謹按
未衍

緒家
傳補

海東逸史卷之十八